


湖廣通志

自卷六十六  
至卷六十七

|      |      |    |   |
|------|------|----|---|
| 庫文閣内 |      |    |   |
| 四六函  | 三九六九 | 漢書 | 類 |
| 九架   | 六九二冊 |    |   |

|        |      |    |   |
|--------|------|----|---|
| 庫文閣内   |      |    |   |
| 元二函    | 三九六九 | 漢書 | 類 |
| 三架     | 六九二冊 |    |   |
| (四八異本) |      |    |   |

|      |           |      |  |
|------|-----------|------|--|
| 内閣文庫 |           |      |  |
| 番號   | 漢         | 3969 |  |
| 冊數   | 692 (484) |      |  |
| 函號   | 291       | 97   |  |



綴じ部(喉部分)の文字等が開きが不鮮明な場所あり

湖廣總志卷第六十六

淺草文庫

臣請十一元下

岳柱字止所一字兼山自幼容止端嚴性穎悟有遠

識年十八從丞相吞尖變備宿衛出入禁中如老成人

授集賢學士阜慶元年陞中奉大夫湖南道宣慰使日

接見儒生詢求民瘼桂陽州民張思進等嘯聚二千餘

衆州縣不能治廣東宣慰司請發兵捕之岳柱曰有司

不能撫綏邊民乃欲僥倖興兵以爲民害耶不可宰執

皆失色憲司亦以興兵不便爲言岳柱終持不可遣千

戶王英往問狀英直抵賊巢諭以禍福賊曰致我爲非

者兩巡檢司耳我等何敢有異心哉諭其衆皆使復業  
一方以寧三年遷河南江北等處行中書省平章政事  
旋以軍事至揚州得疾明年十二月端坐而卒年五十  
三岳柱天資孝友母弟久住早卒喪之盡哀尤嗜經史  
自天文醫藥之書無不究極度量弘擴有欺之者恬不  
爲意或問之則曰彼自欺也我何與焉母部氏亦嘗稱  
之吾子古人也

別里虎解塔察兒子憲宗卽位歲壬子襲父職總管四  
萬方蒙古漢軍攻宋兩淮悉定邊地戊午會師圍宋襄  
陽逼樊城力戰死之

哈刺哈孫幹刺納兒氏哈刺哈孫威重不妄言笑善  
射工國書又雅重儒術至元九年世祖錄勳臣後命學  
宿衛襲號谷刺罕自是人稱谷刺而不名二十八年拜  
榮祿大夫湖廣行省平章政事臺臣言其在宗正決獄  
平即去恐難其繼者帝曰湖廣之地朕嘗駐蹕非斯人  
不可遂行時江湖間盜賊出沒剽取商旅貨財哈刺哈  
孫至則發卒悉擒誅之水陸之途始皆無梗初樞密置  
行院於各省分兵民爲二奸人植黨自救後因入覲極  
陳其不便帝爲罷之因問曰風憲之職人多言其撓吏  
治信乎對曰朝廷設此以糾奸慝貪吏爽之妄爲謗耳

法廣總志  
帝然其言俄有旨發湖湘富民萬家屯田廣西以圖交趾喀刺哈孫密遣使奏曰往年遠征無功瘡痍未復今又徙民瘴鄉必將怨叛吏莫知其奏抱卷請署弗答吏再請則曰姑緩之未幾使還報罷民皆感悅湖南宣慰張國紀建言欲按唐宋末徵民間夏稅哈刺哈孫曰亡國弊政失寬大之意聖朝其可行耶奏止其議徵拜中書左丞相進階銀青光祿大夫至太元年賜大帳如諸王諸藩禮十一月寢疾次語其屬曰吾不復能佐理國事矣行省之務汝曹勉之母貽朝廷憂薨年五十二帝聞之驚悼曰喪我賢相追封順德王謚忠獻

察罕西域板勒紇城人也魁偉穎悟博覽強記通諸國書爲行軍府與魯千戶奧魯赤參政湖廣爲蒙古都萬戶府知事奧魯赤進平章復辟爲理問政事悉委裁決且令諸子受學焉前後從奧魯赤出入湖廣江西兩省凡二十一年多著勲績成宗大德四年御史臺奏僉湖南憲司中書省奏爲武昌路治中丞相哈刺哈孫曰察罕蕪繁固宜居風憲然武昌大郡非斯人不可治竟除武昌廣西妖賊高仙道以左道惑衆平民誑誤者以數千計旣敗湖廣行省命察罕與憲司雜治之鞠得其情議誅首惡數人餘悉縱遣且焚其籍衆難之察罕曰

吾獨當其責諸君無累也以治最聞擢河南省郎中  
崔斌字仲文馬邑人性警敏多智慮魁岸雄偉善騎射  
尤攻文學而達政術世祖在潛邸召見應對稱旨命佐  
卞憐吉帶將遊騎戍淮南六年除同舍樞密院事襄樊  
之役命斌僉河南行省事方議政鹿門山斌曰自峴山  
西抵萬山北抵漢江築城浚塹以絕餉援則襄陽可坐  
制矣時調曹濮民丁屯田南陽斌議罷曹濮屯民以近  
地兵多者補之民以爲便又議戶部給濱棣青滄鹽券  
付行省募民以米買之仍增價和糴遠近輸販者輻輳  
餽餉不勞而集有旨河南四路籍兵二萬以益襄樊斌  
即馳奏曰河南戶少而調度敏不多實不堪命減其半爲  
宜從之襄陽旣下轉嘉議大夫仍僉行中書省詔丞相  
伯顏總兵南征改行省爲河南宣慰司加中奉大夫賜  
金虎符充宣慰使是時襄陽正陽諸軍悉道河南供億  
雖繁而事無缺失伯顏旣渡江分阿里海牙定湖南詔  
斌薰之拜行中書省參知政事十月圍潭州斌攻西北  
鐵壕阿里海牙中流矢不能軍斌以軍夜集柵下黎明  
畢登不利斌曰然軍小捷而驕弛吾今焚其舟樓斷其  
援道斷城爲三周如此則城可得諸將然之迺誓師衝  
柵潛登鐵壩人資芻糗梯其樓火之且豎木柵城上詰

且布雲梯鼓譟而上賊挾角先登阿里海牙持酒勞曰  
取此城公之力也斌言阿里海牙曰潭人膽破矣若歛  
兵不進許其來降則土地人民皆我之有自重湖以南  
連城數十可傳檄而定若縱兵急攻彼無噍類得一空  
城何益從之明日即遣開示禍福城中爭出降諸將怒  
其抗敵持久咸欲屠之斌喻以興師本意諸將曰編民  
當如公說敵兵必誅之斌曰彼各為其主耳宜旌之以  
勸未附者且殺降不祥諸將迺止捷聞帝嘉之進資善  
大夫行中書省左丞潭人德之為立生祠奉旨撫諭廣  
西尋命還治湖南潭屬邑安化湘鄉衡山以南賊周龍


張唐張虎等所在蜂起斌一兵南幸凡東事皆平  
欲盡戮以懲反側斌但按一其首惡者從者盡釋之  
江淮行省左丞既至凡前口臺國漁民不法之政悉釐  
正之仍條具以聞阿合馬慮其害已因誣搆以罪竟為  
所害裕宗在東宮聞之方人長投箸惻然遣使止之已不  
及矣天下寬之年五十六

立智理威為裕宗東宮必出兩赤與文書至元十八年  
初定帝閱其地又受兵百餘人傷殺擇近臣撫安之以正  
智理威為嘉定路達魯花赤時方以開田均賦拜查卷  
訟諸事謀守令立智理威去平詔書謹民安之使者交

其能大德三年以叅知政事為湖南宣慰使繼改荆湖  
荆湖多弊政而公田為其弊內實無田隨民所輸租取  
之戶無大小皆出公田租繼承畢不允之知悉成國民  
所不便凡十數事上控朝而言公田无切明議遣使理  
之會有詔凡官無公田者於隨休給老民亦於蘇平年  
入朝加湖廣行省左丞湖廣歲歲賦額無以答之頃工  
作遣使買絲他郡多為奸利工官又為新稅從之戶  
貧造弊益惡立智理威不之使今工視賈人有為便  
工不告病處者賈高其價他郡稅用之者便至  
三年以來平之官元七

塔只必幼嗜讀書州翰墨至九十四年監東平官少  
中大夫多善政以清白稱嘗出家藏書二千餘卷置東  
平廟學使學徒講肄之尋授湖北道提刑按察使大德  
五年春卒

張玉襲父職為懷遠大將軍諸路水軍萬戶討吉安叛  
賊有功入朝賜金織文衣弓矢佩刀加輔國上將軍都  
元帥兼水軍萬戶鎮黃州繼奉旨與元帥唐兀台改立  
斡黃等路都元帥府仍管領本道鎮守軍馬番陽湖賊  
起詔徙水軍萬戶府於南康從叅知政事烏馬兒征交  
趾累戰有功師還安南以兵迎戰大戰連日水涸舟不



能行玉死馬

樊楫冠州人初為軍吏從叅政阿里海牙下鄂江陵有功以行省命為都事朱平從入朝改員外郎從攻厓山進叅議行中書省事同知湖南宣慰司事擢僉荆湖占城行中書省事征交趾進行中書省叅知政事陳日烜棄城走敢嚙堡破之師還為賊邀遮白藤江潮下楫舟膠賊舟大集矢下如雨力戰自卯至酉楫被創投水中賊鈎執毒殺之

陳天祥字吉甫因元祐仕河南自寧晉徙家洛陽天祥少隸軍籍起家從仕郎鄧復州等處招討司經歷從國兵渡江因論軍中事深為行省叅政賈居貞所器重十三年興國軍以籍兵器致亂行省命天祥權知本軍事天祥領軍士纔十人入其境去城近百里止二日乃至城中父老來謁天祥諭之曰捍衛鄉井誠不可無兵任事者籍其過當故致亂爾今汝輩權置兵仗以自衛何如民皆稱便乃條陳其事於行省曰鎮遏姦邪富實根本若內無備禦之資則外生窺覷之釁此理勢必然者也推此軍變亂之故正由當時處置失宜疎於外而急於內凡在軍中者寸鐵尺杖不得在手遂使姦人得以竊發公私同被其害今軍中再經殘破單弱至此若



猶相防而不相保信豈惟外寇可憂第恐舟中之人皆敵國矣莫若布推赤心於人使戮力同心與均禍福人則我之人兵則我之兵靖亂止姦無施不可惟冀少加優容然後責其必成之効行省許以從便處置天祥凡所設施皆合衆望由是流移復業以至隣郡之民來歸者相繼伐茅斬木結屋以居天祥命以十家爲甲十中有長弛兵禁以從民便人心旣安軍勢稍振用土兵收李必聰山寨不戮一人他寨聞之各自散去境内悉平時州縣官吏未有俸祿天祥從便規措而月給之以止貧民用弗擾鄉邑分寧爲變謀石時至吏請捕之天祥曰彼以官吏會集故叛今我一軍三縣官無侵虐民樂其業使之歸告其黨則謀者反爲我用矣遂一無所問及敗逃入興國境者數千人天祥命驗口給糧仍戒土人勿侵陵事定皆得保全而歸莫不服其威信居歲餘詔改本軍爲路有代天祥爲總管者務變更舊政治隱匿兵者甚急天祥去未久而興國復變壽昌府及大江南北諸城邑多乘勢殺守將以應之時方改行省爲宣慰司叅政忽都帖木兒賈居貞萬之鄭鼎臣爲宣慰使鼎臣帥兵討之至樊口兵敗死黃州遂聲言攻陽羅堡鄂州大震時忽都帖木兒言於居貞曰陽羅堡依山

爲壘素有嚴備彼若來攻我之利也且南人浮躁輕進  
易退官軍高據險而區區烏合之衆與之相敵不二三  
日死必多遁逃者十八九我出精兵以擊之惟疾走者  
得脫耳乘此一勝則大勢已定然後取黃州壽昌摧枯  
拉朽耳居貞深然之而忽都帖木兒意猶未決聞至陽  
羅堡居貞力趣之乃引兵宿於青山明日大敗皆如天  
祥所料初行省聞變盡執鄂州城中南人將殺之以防  
內應居貞救之不能得天祥曰是州之人與彼勢不相  
接欲殺之者利其財耳力止之至是被執者皆縱去復  
遣天祥權知壽昌府事授兵二百餘人爲亂者聞官軍  
乃遣諭其徒使各歸田里惟生擒其長毛遇順周監斬  
于鄂州帝得金二百兩詢知爲鄂州賈人之物召而還  
之其黨王宗一等十三人繼亦就擒以冬至日放令還  
家約三日來歸獄皆如期而至白宣慰司盡縱之由是  
無復叛者百姓爲立生祠擢灌權茶轉運使命理筭湖  
北湖南行省錢糧天祥至鄂州即上疏劾平章岳東木  
克暴不法時桑哥竊國柄與岳東木相黨爲其爪牙羽  
翼誣天祥以罪欲致之死繫獄幾百日遇赦得釋二十  
八年擢行臺侍御史嚴督有司捕得盜賊甚衆皆杖殺

之其亡入他境者揣知所向選捕盜官及弓兵密授方  
畧示以賞罰使追捕之南至漢江二千餘里悉皆就擒  
無得免者由是東方群盜屏息六年陞江南行臺御史  
中丞上章論征西南夷事不報遂謝病去延祐三年四  
月卒于家年八十累贈推忠正義全德佐理功臣河南  
江北等處行中書省平章政事追封趙國公諡文忠  
劉宣字伯宣其先潞人也沉毅清介居家孝友至元十  
二年入爲中書戶部郎中改行省郎中從丞相伯顏平  
章阿朮統軍平江南贊畫居多陞江淮行省參議擢江  
西湖東道提刑按察使二十三年入爲禮部尚書遂遷  
吏部時將伐交趾宣上言云交趾無糧水路難通無車牛  
牛畜馱載不免陸運一大擔米五斗往還自食外官得  
其半若十萬石用四十萬人止可供一二月軍糧搬載  
船料軍須通用五六十萬衆廣西湖南調度頻繁民多  
離散戶令供役亦不能辦况湖廣密邇溪洞寇盜常多  
萬一姦人伺隙大兵一出乘虛生變雖有番後人馬疲  
弱衰老卒難應變何不與彼中軍官深知事體者論量  
萬全方畧不然將復蹈前轍往增追悔帝嘉納其言  
姚天福字君祥絳州人以材辟懷仁丞至元五年拜監  
祭御史詔立御史臺以天福爲架閣管勾十二年尋詔

胡黃恩志

宣統二年

罷各道按察司天福曰大夫至迷帖水兒曰是司之設所以廣視聽虞非常慮至深遠不但絕有司而已也大夫駭然曰微公言幾失之夜入帝卧內奏其言帝大悟詔復立之權臣不悅左遷天福朝列大夫衡州路同知不就轉湖北道按察使發省臣獄事數十以聞帝以其嘗有勲勞特原之而流其黨與州郡稱治二十年遷山北道按察使拜參知政事入都路總管兼大興府尹壽甸大治後之尹京者以天福為首六年以疾卒年七十二

謝仲温字君玉豐州豐縣人豐

以廣穎聲音洪亮略世

書史子子歲見世祖於野派嶺命備宿衛喜謂侍臣曰

朕思不及此飲以駝乳他日不忘汝也一夕帝聞敵軍謹譟命警備仲温奉繩床帝憑其肩以行至旦不能寐為湖南宣慰使三十年春入見帝曰汝非謝仲温乎朕謂汝死矣從容語及攻鄂時事帝喜甚諭曰汝將復官乎朕當為卿擇之對曰臣老矣無能為也一子早亡惟有孫宰完幸陛下憐之即日命備宿衛大德六年卒年八十

申屠致遠字大用其先汴人金末從其父義徙居東平之壽張致遠肄業府學與李謙孟祺等齊名世祖南征

駐兵小濮荆湖經畧使乞定方合薦為經畧司知事軍  
中機務多所謨畫師還至隨州所俘男女致遠悉縱遣  
之歷江東建康道肅政廉訪司事未至移疾還纂脩世  
祖實錄召為翰林侍制不赴僉淮西江北道肅政廉訪  
司事行部至和州得疾卒

雷膺字彥正渾源人佩金符奉議左壁總帥府事師還  
陞承務郎同知恩州事憲府未薦其能遂入拜監察御  
史首以正君心正朝廷百官兩言又斥聚斂之臣不宜  
作相加奉議大夫僉河東山四道提刑按察司事以稱  
職開十四年進朝列大夫山南湖北道提刑按察副使  
是時江南新附諸將市功利俘獲徂徠濫及無辜  
強籍新民以為奴隸膺出令得還為民者以數千計遷  
行臺侍御史奉母之官分司湖廣江西奏劾按察使二  
人及行省官吏之不法者大德元年夏六月以疾卒于  
京師年七十三

胡祇適字紹開磁州武安人至元元年授應奉翰林文  
宰尋無太常博士調戶部員外郎轉右司員外郎尋無  
左司時阿合馬當國進用群下官冗事煩祇適建言省  
官莫如省吏省吏莫如省事以是忤權奸出為太原路  
治中宋平為荆湖北道宣慰副使有佃民訴其田主謀

爲不軌者祇適察其寃坐告者改江南制西道提刑按察使未幾以疾歸朝廷徵耆德者十人祇適爲之首以疾辭三十年卒年六十七

暢師文字純甫南陽人至元五年陳時政十六策丞相安童竒其才辟爲右三部令史十二年丞相伯顏攻宋選爲掾屬從定江南及歸舟中惟載書籍而已拜監察御史糾劾不避權貴從山南道松滋枝江有水患歲發民防水徃返數百里苦於供給師文以江水安流悉罷其役駙馬亦都護家人怙勢不法師文治其甚惡者流之除太平路總管復召爲翰林侍讀學士中奉大夫知

制誥延祐元年徵拜翰林學士頃德大夫行至河南復以病歸襄陽四年秋八月考河南鄉試歸次襄縣卒于

傅舍年七十一葬襄陽峴山

程鉅夫名文海避武宗廟諱以字行其先自徽州徙鄧

州京山後家建昌入爲質子塔宣武將軍管千戶大德

四年遷江南湖北道肅政廉訪使至官首治行者平章

承奴之爲畏害者上下肅然以病乞骸骨歸田里不允

鉅夫請益監特受光祿大夫賜上尊命廷臣以千飲餞

于齊化門外給驛南還勅行省及有司常加存問居五

年而卒年七十泰定二年贈大司徒柱國追封楚國公

益文憲

燕公德字國材南康之建昌人拜江浙行省右丞明年  
遷湖廣行省右丞轉運司判官唐申家沅州豪橫奪民  
田武昌縣尹劉權殺主簿誣繫其妻子悉正其罪五年  
召還朝以卒帝聞甚傷悼之賜贈有加特命朝臣護喪

南歸

姚燧字端甫除陝西漢中道提刑按察司副使錄囚延  
安逮繫誑誤皆縱釋之人服其明決調山南湖北道按  
部澧州興學賑民孜孜如弗及自湖北奉旨趨朝明年  
高翰林直學士召脩世宗實錄燧與侍讀高道凝總裁  
之未幾除承旨學士尋拜太子少傅得告南歸中書以  
承旨召明年復召燧以病俱不起卒于家年七十六諡

日文

郭貫字安道保定人以身行見推擇為樞密中書掾調  
南康路經歷擢廣西道提刑按察司判官會例格授濟  
南路經歷拜監察御史食湖南肅政廉訪司事大德初  
遷湖北道上言便宜省軍馬以數萬計奏定元年遷翰  
林學士承旨不起至順二年以疾卒年八十有二贈光  
祿大夫河南行省平章政事

張孔孫字夢符其先出遼之烏若部以文學名辟為戶

法原經云  
府議事官時方議下襄樊朝廷急用兵孔孫謂今以此  
境私販坐罪者動以千數宜開自新之條俾得効職  
死朝論采之會四川道提刑按察司事尋陞湖北道提  
刑按察副使行部巴陵有囚三百人因怒墮乞建言  
銀利發其墳墓而燒其家燒死者三人有司以真圖計  
殺人坐之孔孫原其情減罪遷浙西提刑按察副使  
之請老還家太德十一年卒年七十有五

謝讓字仲和穎昌人及壯推擇為吏補宣慰司令史國  
兵取宋立行中書省於江西讓以選為令史調河間

書省右司員外郎出為湖廣行省左右司郎中時廣西

兩江岑雄黃聖許等屢相讎殺四邊患讓謂此曹第可

懷柔不宜力競寬其法以羈縻之使不至跳梁可也若

乃舍中國有用之民爭炎荒不毛之地非長策也因書

榜招諭以攜其黨湖廣宣慰使張國紀建言科江南夏

稅讓極言其非便遷河南行省左右司郎中是時江淮

屯戍軍二十餘萬親王分鎮楊州皆以兩淮民稅給之

不足則漕於湖廣江西是歲會計兩淮僅少三十萬石

讓請以淮鹽三十萬引鬻之收其價鈔以給軍食不勞

遠運公私便之西臺復立就拜侍御史四年十月卒于



官年六十有六贈正奉大夫河南行省參知政事追封陳留郡公諡憲穆

臧夢鮮慶元人宋末中進士第未官而國亡至元十三

年從其鄉郡守將內附授奉詔大夫婺州路軍民人匠

提舉改知海寧州時淮東按察副使王慶之按行至其

州見夢鮮剛直廉慎而學有淵奧自任職以來門無私

謁官署蕭然凡有差役皆當其貧富而吏無所預乃舉

夢鮮才德無備宜擢清要以展所蘊而御史臺亦以廉

能抗章薦之除同知桂陽路總管府事三十年擢奉議

大夫廣西肅政廉訪副使夢鮮王是既老且病乃納錄

夢鮮有州以亞中大夫湖南宣慰副使致仕李

梁曾字真父燕人湖南宣慰司副使壽二年以疾去大

德四年丁內艱先是丁憂之制未行曾上言請如禮七

年除潭州路總管以未終制不赴尋遷湖廣行省參知

政事四年以疾辭歸勅賜藥物有問備至延祐元年奉

詔代祀中岳等神遂至汴梁以病不復職寓居淮南杜

門不通賓客惟日以書史自娛至治二年卒年八十一

卒之前十日有大星墮于所居流光燭地人皆異之

趙世延字子敬弱冠世祖召見得入樞密院御史臺尋

習官政至元二十一年授承事郎雲南諸路提刑按察

司判官擢監察御史轉奉議大夫出僉江南湖北道肅  
政廉訪司事創儒學立義倉撤淫祠脩澧陽縣壞隄嚴  
常澧掠賣良民之禁卽內晏然歷集賢大學士仍加翰  
林學士承旨封魯國公秋以疾移文中書致事明日卽  
行養疾在金陵之茅山詔徵還朝不能行二年改封涼  
國公卒享年七十有七追封魯國公謚文忠

謝端字敬德蜀之遂寧人宋末蜀士多避兵江陵因家  
焉弱冠與尚書宋本同師明性理爲古文又同教授江  
陵城中以文學齊名時號謝宋史杜宣慰荆南數加延  
禮薦之姚樞樞歎獎不已延祐五年乃擢進士乙科授  
承事郎潭州路同知湘陰州事歲滿入爲國子博士遷  
太常博士端善爲政筮仕湘陰獨吏束手不敢舞文法  
豪民無賴者遠避去卽使者行部旁郡滯訟皆委端讞  
端剖決如流績譽籍然其文章嚴謹有洪寧約近濟無  
奢滋腴

李好文字惟中大名之東明人登至治元年進士第授  
大名路濟州判官入爲翰林國史院編修官國子助教  
泰定四年除太常博士

李本魯神字子暈其先隆安人隱居不仕學行爲州里  
所先翰林學士承旨姚燧以書抵軒曰燧見人多矣學

問文章無足與子輩比倫者於是對以女妻之大德十  
一年用薦者授襄陽縣儒學教諭陞汴梁路儒學正會  
修世皇實錄燧首以狎薦授翰林國史院編修官歷遷  
禮部尚書階中憲大夫逾年以遷葬故歸鄉里明年復  
爲翰林侍講學士以疾辭不上至元四年卒年六十  
蘇天爵字伯脩真定人也由國子學生公試名在第一  
釋褐授從仕郎大都路薊州判官至順元年預修武宗  
實錄二年陞脩撰擢江南行臺監察御史明年慮囚于  
湖北湖北地僻遠民獠雜居天爵昂瘴毒徧歷其地囚  
有言寃狀者天爵曰憲司歲兩至不言何也皆曰前此

慮囚者應故事耳今聞御史至當受刑故不得不言  
爵爲之太息每判一事必留心所敷雖盛夏猶夜篝燈  
治文書無倦江陵民文甲無子自其甥雷乙後乃生兩  
子而出乙乙俟兩子行賣茶卽舟中取斧並斫殺之沈  
斧水中而血漬其衣跡故在事竟乙具服部使者乃以  
三年之疑獄釋之大爵曰此事二年半耳且不殺人何  
以衣汚血又何以知斧在水中又其居去殺人處甚近  
何謂疑獄遂復寘于理常德民盧甲莫乙汪丙同出傭  
而甲誤墮水死甲有弟爲僧欲私甲妻不得訴甲妻與  
乙通而殺其夫乙不能明証甲擊之死斷其首棄草間

屍與仗棄譚氏家溝中吏往求果得髑髏然屍與仗皆無有而譚証證曾見一屍水漂去天爵曰屍與仗縱存今已八年未有不腐者召譚証之則甲未死時目已瞽其言曾見一屍水漂去妄也一八無語吏曰此乃疑獄况不止三年俱釋之其明於詳獄下抵此類至正二年拜湖廣行省叅知政事遷陝西行侍御史四年召為集賢侍講學士無國子祭酒天爵以起自諸生進為師長端已悉心以範學者明年中為山東道肅政廉訪使尋召還集賢克京畿奉使宣撫究民所疾苦察吏之姦

九人其人有何執之譽然以物相意竟坐不稱職歸七年時宰察其詔乃復起為湖北道宣慰使浙東道廉訪使其方畧之密節制之嚴雖老帥宿將不能過之然以憂深病集遂卒于軍中年五十九

王都中字元俞福之福寧州人特授都中少中大夫平江路總管府治中時年甫十七僚吏見其年少頗易視之都中遇事剖析動中肯綮皆矚眙不敢欺崑山有詭易官田者事覺而八年不決都中為據故蹟洞見底裏其人乃伏辜遷荆湖北道宣慰副使適歲侵都中躬履山谷以拯其饑民賴以全活者數十萬武宗詔更鈔法

行銅錢以都中為通才除江淮泉貨監凡天下為監者  
六惟江淮所鑄錢號最精改郴州路總管都居楚上流  
黔洞徃徠往來民間憚其強猾莫敢與相負劾都中物  
之以恩懾之以威乃皆悅服郴民染於蠻俗喜鬪爭都  
中乃大治學舍作籩豆簠簋笙磬琴瑟之屬使其民識  
先王禮樂之器延宿儒教學其中以義理開曉之俗為  
之變隣州茶陵富民覃乙死無子惟一小妻及其贅婿  
妻誣其婿拜屍成婚藏隱王杯夜明珠株連八百餘人  
表使宣撫移其獄委之都中窮治悉得其情而正其罪  
州長吏而下計其獄三千一萬五千餘緡之以為神

饑州路總管年饑米價翔踊都中以官倉之米定其  
價為三等言於行省以為須糶以下等價民乃可得食  
未報以內憂去郡民生為立祠

陳思謙字景讓文宗天曆初政收攬賢能丞相高昌王  
亦都護舉思謙時年四十矣召見與聖宮明年二月授  
典寶監經歷十一月改禮部王事至順元年拜西行臺  
監察御史建明八事轉兵部中十一月改御史中丞都  
事出為淮西道廉訪副使至未暮月引疾歸六月召  
為中書省員外郎轉兵部侍郎俄丁內艱服除召為右  
司郎中歲凶盜賊起剽掠州邑思謙力言于執政當

竭府庫以賑貧民分兵鎮撫夏以防後患五年參議  
中書省事轉刑部尚書改授西廡訪使湖廣行省參知政  
慰司都元帥九年遷浙西廡訪使湖廣行省參知政  
事辭尋召入為集賢待講學士脩定國律十二年拜治  
書侍御史明年陞中丞年近七十上章乞老不允特旨  
進一品授榮祿大夫仍御史由丞入謝感疾及命下強  
拜受命明日卒贈宣猷秉憲治功臣翰林學士承旨  
榮祿大夫柱國追封魯國公諡通敏

呂思誠字仲實平定州人召為集賢待講學士兼國子  
祭酒出為湖廣行省參知政事諸生抗疏留之

中授湖北廡訪使入拜中書參知政事陞左丞轉御史  
中丞劾奏清道官不盡職罷之復左遷湖廣行省左丞  
遣太醫院宣使秦初即其家迫遣之初窘辱之不遺餘  
力思誠不為動貽書參議龔伯遂曰去年許可用為河  
南左丞今年呂思誠為湖廣左丞世事至此足下得無  
動心乎抵武昌城下語諸將曰賊據城與諸君相持經  
久必不知吾為此來出其不意可以入城遂行諸將不  
獲已隨其後竟不煩轉鬪而入賊倉卒無備盡驚走思  
誠乃大會軍民官吏告之曰賊去示吾弱也規將復來  
於是申號令戒職事修器械葺城郭整部伍先謀自守

徐議出征苗軍暴橫侵辱省憲思誠正色叱之曰若等能殺呂左丞乎自是無敢復至魯未數日召還復為中書左丞思誠去二日城復陷移光祿大夫大司農俄得疾以正十七年三月十七日卒年六十有五思誠氣字凝定素以勁拔聞不為勢利所屈三為祭酒一法許衡之舊諸生從化後多為名士嘗病古註疏太繁魏了翁剛之太簡將約其中以成書不果有文集若干卷兩漢通紀若干卷諡忠肅

汪澤民字叔志徽之婺源州人物授寧國路儒學至正五年登進士第授承事郎同知岳州路平江州事以

年八十一上書願奪州官一等或二等得近地以

不允南歸奉母之官州民李氏以貲雄其弟死妻誓不他適凡利其財嗾族人誣婦以奸事獄成而澤民至察知其枉為直之會朝廷徵江南包銀府檄澤民分辨民不擾而事集尋遷南安路總管府推官鎮守萬戶朶兒赤持官府短長郡吏王甲毆傷屬縣長官訴郡朶兒赤右之同僚畏朶兒赤互托故不理其事澤民獨捕甲繫之獄朶兒赤賂巡按御史受甲家人訴欲出之澤民正色與辨御史沮怍夜竟去乃卒罪王甲遷集賢直學士階太中大夫未兩月即移書告老大學士和尚曰集賢

翰林實養老尊賢之地先生何為遽去願少留以副上  
意澤民曰以布衣叨榮三品志願足矣遂以嘉議大夫  
禮部尚書致仕既歸田里與門生故人相往返嬉遊超  
然若忘世者十五年蕪黃賊陷徽州時澤民居宣州已  
而賊來犯宣州江東蕪訪使道童稚重澤民日就之詢  
守禦計城得無虞明年長槍軍鎮南班等叛來寇城或  
勸澤民去澤民曰我雖無官守故受國厚恩臨危愛死  
非臣子節留不去凡戰鬪籌畫多澤民參決之累敗賊  
兵既而寇益衆城陷澤民為所執使之降大罵不屈遂  
遇害年七十事關國體存錄大夫江折行中書省左丞

封譙國郡公謚文節

成遵字誼叔南陽穰縣人也幼敏悟讀書日記數千百  
言會楊惠初登第來尹穰遵乃書所作數十篇見之惠  
撫卷大喜語之曰以此取科第如拾芥耳至順辛未至  
京師受春秋業於夏鎮遂入成均為國子生時陳旅為  
助教喜其文數以語于奎章閣侍書學士虞集集亟欲  
見之旅令以已馬俾遵馳詣集集方有目疾見遵來迫  
而視之曰適觀生文今見生貌公輔器也吾老矣恐不  
及見生當自愛重也元統改元中進士第授將仕郎翰  
林國史院編脩官調武昌路總管武昌自十二年為沔



寇所殘燬民死於兵疫者十六七而大江上下皆劇盜阻絕米直翔踊民心遑遑遵言於省臣假軍儲鈔萬錠募勇敢之士具戈船截兵境且戰且行糴粟於太平中興民賴以全活者衆會省臣出師遵攝省事於是省中府中惟遵一人乃遠斥堠塞城門籍民為兵得五千餘人設萬夫長四配守四門所以為防禦之備甚至號令嚴肅賞罰明當賊船往來江中終不敢近岷城賴以安先是湖廣倪賊質威順王之子而遣人請降求為湖廣行省平章朝臣欲許者半遵曰平章之職亞宰相也承之時維德望漢人抑而不與今叛逆之賊挾勢要求輕以與之如綱紀何或曰王子世皇嫡孫豈不許是之與賊非親親之道也遵曰項羽執太公欲烹之以挾高祖高祖乃以分羹荅之奈何今以王子之故廢天下大計乎衆皆聽其論十九年用事者承望風旨啖寶坻縣尹鄧守禮弟鄧子初等誣遵與叅政趙中叅議蕭庸等六人皆受賊皇太子命御史臺大宗正府等官雜問之鍛鍊使成獄遵等竟皆杖死中外冤之

曹鑑字克明宛平人穎悟過人舉止異常兒大德五年用翰林侍講學士郝彬薦為鎮江淮海書院山長十一年南行臺中丞蕭恒辟為掾史丁內艱復起補掾史除

興文署命伴送安南使者沿途問難倡和應答如響使者歎服以為中國有人至治二年授江浙行省左右司員外郎泰定七年遷湖廣行省左右司員外郎時丞相忽刺互怙勢恣縱妄為威福僚屬多畏避鑑遇事徇理輒行獨不為回撓湖北廉訪司舉鑑宜居風紀不報天曆元年調江浙財賦府副總管屬淮浙大水民以蓄告鑑損其賦什六七勢家因而詭免者鑑覈實諭令首輸元統二年陞同僉太常禮儀院鑑習典故達今古凡禮樂度數名物罔不周知因集議明宗皇后祔廟事援禮經辨析詳明君子多之至元元年以中大夫陞禮部

尚書俄感疾而卒年六十五

胡長孺字汲仲婺州永康人父居仁淳祐丁未進士知台州軍州事文辭政事絕出於四方至長孺其學益大振九經諸史下逮百氏名墨縱橫旁行敷落律令章程無不包羅而揆序之咸淳中外舅徐道隆為荆湖四川宣撫叅議官長孺從之入蜀餘試第一名授興功郎監重慶府酒務俄用制置使朱煥孫之辟兼總領湖廣軍馬錢糧所僉廳與高彭李湜梅應春等號南中八士延祐元年轉兩浙都轉運鹽使司長山場鹽司丞階將仕郎未上以病辭不復仕隱杭之虎林山以終

許楫字公度太原忻州人丞相安童左丞許衡深器重之尋佩金符爲陝西道勸農使至元十三年宋平帝命平章廉希憲行中書於荆南府以楫爲左右司員外郎荆南父老與金帛求見楫曰汝等已爲大元民矣今置吏以撫字汝輩奚用金帛以求見明年擢嶺北湖南提刑按察副使武岡富民有毆死出征軍人者陰以家財之半誘其佃者代已款伏楫審得其情釋佃者繫富民人服其明改江西道提刑按察副使二十四年授太中大夫東平總管謝事二年卒

諸都刺字瑞芝至順元年遷襄陽路達魯花赤山西大

都刺驗其良民輒聽其度關吏曰得無違上命乎諸都

刺曰吾防姦耳非仇良民也可不開其生路耶旣又煮粥以食之所活數萬人又城臨漢水歲有水患爲築堤城外遂以無虞元統二年除益都路總管俗頗悍黠而諸都刺務興學校以平易治之民以無擾至正六年卒林興祖字宗起福州羅源人至治二年登進士第授承事郎同知黃巖州事二遷而知鉛山州至正八年特旨遷爲道州路總管行至城外遇賊已迫其後相去僅二十里時湖南副使哈剌帖木兒屯兵城外聞賊至以乏

軍需欲退兵興祖聞即夜詣說晉之哈刺帖木兒曰明日得鈔五千錠銅盾五百乃可破賊興祖許之明日爾入城視事即以息信勸諭鹽商貸鈔五千錠且取郡舊樓桐板爲盾日中皆備哈刺帖木兒得鈔盾大喜遂晉爲禦賊計賊聞新總管至一日具五百盾以爲大軍且至中夕遁去永明縣洞徑屢竊發爲民害興祖以手榜諭之皆曰林總管廉而愛民不可犯也三年不入境春旱蟲食麥苗興祖爲文禱之大雨三日蟲死而麥稔已而罷興作賑貧乏輕徭薄歛郡中大治憲司考課以道州爲最以年老致仕終于家

白景亮字明甫南陽人明洪禱等書并由征東行省譯史有勞超遷南恩知州陞沔陽府尹奏最于朝先是爲郡者控民間徭役不盡校田畝以爲則吏得緣高下其手富民或優有餘力而貧弱不能勝者多至破產失業景亮深知其弊乃始覈驗田畝以均之役之輕重一視田之多寡大小家各使得宜咸便安之由是民不勞而事易集他郡邑皆取以爲法郡學之政久弛從祀諸賢無塑像諸生無廩膳祭服樂器有缺景亮皆爲備之儒風大振縉紳稱頌焉景亮性廉外勤苦自奉甚薄妻尤儉約惟以脫粟對飯而已部使者嘗上其事特詔褒美

賜以宮錦改授台州路總管卒于官

塔不台字彥輝元統元年進士為襄陽錄事司達魯花

赤魏王軍汝亳塔不台來供餉王嗜酒輕敵不為戰備

賊劫王王卧未能起為所執塔不台馳騎奪王亦為賊

所得比明見賊酋王拜乞活塔不台以足蹴王曰猶欲

生乎賊復屈其拜塔不台拒而詬之且與縛者角遂支

解

在閭字時中蒙古人各元統元年進士第累官京畿漕

運副使出知安陸府至正十二年斬賊魯法典犯安陸

拜北閭募兵得數百人帥以拒賊賊敗前隊棄勝追之

而賊自他門入亟還兵則城中火起軍民潰亂計不可

遏乃歸服朝服出坐公堂賊脅以白刃丑閭猶喻以逆

順一賊排丑閭下使拜不屈且怒罵賊酋不忍害拘之

明日又逼其從亂丑閭疾叱曰吾守土臣寧從汝賊乎

賊怒以刀斫丑閭左脇斷而死賊憤其不降復以布囊

囊其屍昇置其家丑閭妻侯氏出大哭且列酒肉蒲前

渴者令飲酒饑者令食肉以給賊之不防已至夜自經

死事聞贈丑閭河南行省叅知政事贈侯氏寧夏郡夫

人立表其門曰雙節

趙野字峻台其父世延自有傳由四川行省左右司郎

中西行臺監察御史河西廉訪使轉黃州路總管湖廣  
 既陷朝廷察其材升四川行省叅政命與平章咬住討  
 賊咬住軍五千及分銳卒八百使野為前驅賊方據巴  
 東縣攻拔之是時歸峽等州皆為賊所守野破賊江上  
 斬溺無算已而歸峽平又進拔枝江松滋兩縣乘勝趨  
 江陵賊出陣清水門鏖戰至夕賊退入城乃據其門埃  
 咬住軍至黎明賊出戰三時頃咬住軍止百步外不救  
 賊飛鎗刺之遂死事聞贈榮祿大夫陝西行省平章政  
 事柱國追封涼國公諡忠壯

理牙敦比庭人累官至山南廉訪使治中興中興為

理牙敦每按

犯中興上理牙敦以兵與抗賊多死賊稍退明  
 日復擁眾來襲東門上理牙敦力與之戰被執不屈而  
 死又明日賊復來攻前中興判官上都統兵出擊之既  
 而東門失守上都倉黃反闔弁卒賊執之使降上都大  
 罵賊怒剗其腹剗其肉而死  
 李羅帖木兒字國賓高昌人由宿衛補官十三轉為襄  
 陽路達魯花赤盜起汝潁均州鄖縣人田端子等亦聚  
 眾殺官吏李羅帖木兒將民兵捕斬之行省廉訪司同  
 檄李維帖木兒以其所領兵會諸軍於均房同討賊賊

始退而殺城光化以急告即帥兵趨穀城而分遣樊城  
 守簿脫因等趨光化且遣使求糧於襄陽遣同知也先  
 不花促之不應軍乏食不能行乃駐於柴店復遣從子  
 馬哈失力往告詞甚苦切廉訪王僉事總管柴順禮怒  
 其責望械之適紐貞來獻光化所獲首級且言孛羅帖  
 木兒在穀城與賊相持未知存歿宜急濟其糧少緩恐  
 弗及矣於是脫二人械遣還而命也先不花與萬戶也  
 先帖木兒率數千人往遇沔陽府達魯花赤咬住同知  
 三山妻陸府燕只不花荆襄提舉相哥失力之帥乃糾  
 合諸寨兵水陸進此至石首縣聞中興各寨皆乃議  
 起計州就元帥帖木兒而道阻不得前仍趨襄陽賊方  
 楊湖港擊之獲其船二十七艘擒賊黨劉咬兒訊得其  
 情進次潛江縣斬賊數百級獲三十餘船梟賊將劉萬  
 戶許堂主等是日甫止兵未食而賊大至與戰孛羅帖  
 木兒被重創被執  
 朵爾直班字惟中年十四見文宗適將幸上都親閱御  
 衣命錄于簿顧左右無能書漢字者朵爾直班引筆書  
 之文宗喜尋授工部郎中元統元年擢監察御史時御  
 又大夫也先帖木兒師敗于河南西臺御史蒙古魯海  
 牙范文等十二人劾奏之朵爾直班當署字顧謂左右

日吾其為平章湖廣矣未幾命下果然至重慶聞江陵  
陷道路阻不可行或請少留以俟之不從期必達乃已  
湖廣行省時權治澧州既至律諸軍以法而授納粟者  
以官人心翕然栢伯帖木兒言於丞相命朶爾直班職  
專供給軍食時官廩所儲無幾卽延州民有粟者親予  
酒諭勸之而貸其粟民無不從者又遣官糴粟河南四  
川之境民間其名爭輸粟以助軍餉右丞伯顏不花方  
總兵承順風旨數侵辱之朶爾直班不為動會官軍復  
武昌至蘄黃伯顏不花百計徵索無不給之猶欲言其  
供需失期達刺罕軍帥王不花言曰平章國之貴臣

猶欲誣之是無人心也我曹便當還鄉里矣脫脫道

國子助教完者至軍中風使害之元者至則反加敬朶  
爾直班素有風疾軍中感霧露所患日劇遂卒于黃州  
蘭溪驛年四十

達識帖睦爾字九成初以世胄補官為太府監提點擢  
治書侍御史以言罷除樞密院同知陞中書右丞翰林  
承旨遷大司農至正九年為湖廣行省平章政事沅靖  
郴桂等路徭獠竊發朝廷以溪洞險阻下詔招諭之達  
識帖睦爾謂寇情不可料請置一分省一治靜江一治

湖廣總志



沉靖一治郴桂以左右丞參政兵鎮其地罷靖州路

總管府改立靖州軍民安撫司設萬戶府益以戍兵朝

廷皆如其言已而諸獠獠悉降召還復為大司農卒

納麟智曜之孫睿之子也大德六年用丞相哈刺哈孫

春刺罕薦入備宿衛十年除中書舍人至大四年遷宗

正府郎中皇慶元年擢僉河南廉訪司事延祐初拜監

察御史以言事忤旨仁宗怒巨烈中丞朵兒只力救之

乃鮮至順元年拜湖廣行省參知政事元統初召為刑

部尚書未至改江南行臺治書院御史尋陞中丞十一

年任淮益起帝命為南臺御史大夫納麟承詔即起

老義不罷航從事盡餘生以報世下至則修築棠蔭

郭所在群賊皆敗北州郡悉平十二年納麟固請謝事

從之命太尉如故十九年由海道起直沽山東俞寶率

戰艦斷糧道納麟命其子安安以舟入拒之破其衆

於海口八月抵京師帝遣使勞以止尊皇太子亦饋酒

脯而納麟感疾卒于通州

阿榮字存初怯烈氏父按攤中書右丞阿榮幼事武宗

備宿衛累遷官為湖南道宣慰副使溫迪罕奉使宣撫

用黃恩志

湖南事無大小悉以委之會列郡歲餼阿榮分其廩祿  
為粥以食餓者仍發粟賑之所活甚衆廣西寇起衆皆  
洵懼阿榮鎮之以靜督有司治之六守其境寇不敢入遷  
湖廣行省左右司郎中召僉會三湘院事尋除吏部尚書  
奉定初出為湖南宣慰使改浙東道宣慰使都元帥以  
疾辭天曆初復起為吏部尚書孟可參議中書省事二年  
拜中書參知政事知經筵事進奉章閣大學士榮祿大  
夫太禧宗禋院使都典制神御殿事文宗眷遇之甚而  
阿榮亦盡心國政知無不言久之心忽鬱鬱不樂謁告

至元元年

守字誼叔兩陽涇縣人也幼敏悟讀書日記數千言  
會楊惠初登第來尹稷選乃書所作數十篇見之惠  
無卷大喜語之曰以此取第如拾芥耳至順辛未至  
京師受春秋業於夏鎮遂成均為國子生時陳旅為  
助教善其文數以誨之至章閣待書學士公集集亟欲  
見之旅令以已馬迎之公集乘方有日不見遵來迫  
而視之曰適觀生文今日見之乃知公集之言老矣恐不  
及見生當自愛重也公集入中選二年授將仕郎翰  
林國史院編修官公集嘗為總管武昌自十二年為河

寇所殘燬民死於兵疫者六七而大江上下皆劇盜  
阻絕米直翔踊民心遑遑言於省臣假軍儲鈔萬錠  
募勇敢之士具完船載兵往戰且行糴粟於太平中  
其民賴以全活者衆省臣出師邊攝省事於是省中  
府中惟遵一人乃遂斥按奉城門籍民爲兵得五千餘  
人設萬夫長四配守四門所以爲防禦之備甚至號令  
嚴肅賞罰明當賊船往來江中終不敢近岸城賴以安  
先是湖廣倪賊質威順王之子而遣人請降求爲湖廣  
平章朝廷欲許者遂曰平章之職亞宰相也

兵陷湖廣侵  
木兒益募壯  
湖廣平章政  
行臺御史中  
顏帖木兒至  
擊敗之遂復  
僞帥鄒普泰  
賊之巢曰黃  
路始通十二

湖廣總志

四部上顏鐵木兒率軍討之十誦鐵  
六得驍勇士三千人戰艦三百艘特  
兀帖木兒江西平章政事星吉江南  
海牙皆以兵駐太平宿留不進上  
以前賊方聚下家洲官軍猝與遇奮  
擊其賊帥七月進兵攻蘄州擒其  
不城進兵道士狀焚其柵抵蘭溪口  
克而殲之分兵平兩巴河於是江  
進攻蘄水縣拔其僞都獲僞將相

卷

卷十一

而下四百餘

輝德以身免時丞相脫脫方總戎

南征聞諸賊

乃檄伯顏不花征淮東蠻子海牙

守裕溪口威服

武昌而上顏鐵木兒獨控長江十

六年六月復以軍望池州十一月卒

星吉字吉甫河西人少給事仁宗潛邸以精敏稱至治

初授中尚監改右侍儀兼修起居注拜監察御史有直

嚴自是十五遷為宣政院使出為江南行御史臺御史

大夫時承平日久內外方以觀望為政星吉獨持風裁

御史行部必勅厲而還之湖東僉事三寶佳儒者也性

介所至博貪循無所貸御史有以自私請者拒不

則誣以事劾之章至星吉怒曰若人之庶孰不知之乃

敢為是言耶即奏杖御史而白其誣執政者惡之移湖

廣行省平章政事湖廣地連江北威順王歲嘗出獵民

病之又起廣樂園多萃名倡巨賈以網大利有司莫敢

忤星吉至謁王王闔中門啓左扉召以入星吉引繩床

坐王中門西言曰吾受天子命來作牧非王私臣也焉

得由不正之道入乎閤者懼入告王王命啓中門星吉

入責王曰王帝室之懿古之所謂伯父叔父者也今德

音不聞而騁獵宣淫賈怨於下恐非所以自貽多福也

王急握星吉手謝之為悉罷其所為有胡僧曰小住持

者服二品服侍寵橫甚數以事凌轢官府星吉命掩捕之得妻妾女樂婦女十有八人獄具罪而籍之由是豪強歛手貧弱稱快至正十一年汝穎妖賊起會僚屬議之或曰有鄭萬戶老將也宜起而用之星吉乃命募土兵完城池修器械嚴巡警悉以其事屬鄭賊聞之遣其黨二千來約降星吉與鄭謀曰此詐也然降而卻之爲不宜宜受而審之可也果得其情乃殲之械其渠魁數十人以俟命適有旨召爲大司農同僚受賂且嫉其功乃誣鄭罪釋其所械者明日賊大至內外響應城遂陷武昌之人駢首夜泣曰大夫不去吾豈爲俘囚乎星

吉既入見其陳賊本末帝大喜命賜食時宰不悅奏星江西行省平章政事星吉至江東詔令守江州時江州已陷賊據池陽太平官軍止有三百人賊號百萬衆皆欲走星吉曰畏賊而逃非勇也坐而待斃非智也汝等皆有妻子財物縱迹其可免乎乃貸富人錢募人爲兵進據清水灣伺者告賊艦至大破之時賊久圍安慶捷聞遽燒營走進復湖口縣克江州番兵守之命王惟恭柵小孤山而星吉自據番陽湖綴江湖要衝以圖恢復時湖廣已陷江西被圍淮淝亦多故卒無繼援之者日久糧益乏士卒咸困或曰東南完實盍因糧以圖再舉

乎星吉曰吾受命守江西必死於此衆莫敢復言有頃  
 賊乘大船四集來攻我軍力戰衆死且盡星吉之從子  
 伯不華與親兵數十人死之星吉猶坐不動賊發矢  
 射星吉乃昏仆賊素聞星吉名不恐害昇置密室中至  
 旦乃蘇賊羅拜爭饋以食星吉斥之遂不復食凡七日  
 乃自力而起北面再拜曰臣力竭矣遂絕年五十七星  
 吉爲人公廉明決及在軍中能與將士同甘苦以忠義  
 感激人心故能以少擊衆得人死力云

道童高昌人自號石巖性深沉寡言以世胄入官授直  
 學士人歷任青頰素自能名調信州路總管移平江皆

以政稱正元年出

江州省左丞

章政事平一年詔仍以平章政一行省江西是年賊起

斬黃平章政事禿里不花將入捍江州既而土寇蠶

起道童素不知兵事合呈無一指左右司郎中晉顏不

花曰今賊勢衝突城中無備萬一失守奈何有章伯顏

左丞者致仕居撫州其人熟知軍務宜以便宜禮請之

使署本省左丞事專任調遣軍旅庶幾事有可濟道童

從其言而伯顏亦欣然焉起曰此正我報國之秋也至

則與晉顏不花謀禦敵計甚悉明年正月湖廣陷禿里

理不花由江州遁還二月晉顏不花將兵往江州至石

頭渡遇賊戰敗道童聞之大恐卽懷省印遁走魯顏不  
花還與伯顏定爲城守之計集諸縣義兵以圖克復而  
勢已不可爲因嘆曰我爲元朝大臣官至極品今城陷  
不守尙何面目復見人乎適賊追者至道童欲迎敵渡  
水未登岸賊衆乘之遂爲所害事聞賜諡忠烈

亦憐真班西夏人性剛正動有禮法仁宗召見令入宿  
衛延祐六年超拜翰林侍講學士中奉大夫至治二年  
調回知通政院事出爲江淅行省平章政事遷拜湖廣  
行省左丞相復召知樞密院事十一年額克兵起朝廷  
命將出師參失律敗數進不不見聽復出

江淅行省左丞相十二年移江西行省左丞相是妖  
箴由蘄黃陷饒州饒之屬邑安仁與龍興相接境其民  
皆相挺爲亂亦憐真班道出安仁因駐兵招之來者厚  
加賞賚不從者命子哈藍朶兒只與江西左丞火你赤  
等乘高縱火攻散之餘于久爲盜區亦聞風順服先是  
江西行省平章政事道童以寬容爲政軍民懈弛亦憐  
真班旣至風采一新威聲大振所在群盜咸謀歸款矣  
十四年八月以疾卒于官所部爲之喪氣事聞贈推忠  
佐運正憲秉義同德功臣追封齊王謚忠獻

廉惠山海牙字公亮幼孤言及父輒泣下家日不給垢

衣糲食不以為恥母喪哀毀踰禮累遷為河南行省右  
 丞時有詔發民治決河徧騷屬郡亟以不便上言而時  
 宰不用遷湖廣行省右丞以武昌失守連坐既而事白  
 遷江西行省右丞時所隸郡縣多陷于賊乃與平章政  
 事司徒道童協謀殫力以定守禦招捕之策就除本道  
 庶訪使明年拜翰林學士承旨知制誥兼脩國史卒年  
 七十有一

谷失八都魯南加合子也以世襲萬戶鎮守羅羅宣慰  
 司至正十一年特除四川行省參知政事撥本部探馬

亦嘗三平從平章交住討賊在荆襄九年父平站時  
 咬住兵斃平江陵谷失八都魯請自攻襄陽十二年進

次荆門時賊十萬官軍止三千餘遂用朱廷傑計招募  
 襄陽官吏及土豪避兵者得義丁二萬編排部伍申其  
 約束行至蠻河賊守要害兵不得渡即令屈萬戶率奇  
 兵由間道出其後首尾夾攻賊大敗追至襄陽城南大  
 戰生擒其偽將三十人腰斬之賊自是閉門不復出谷  
 失八都魯乃相視形勢內列八翼包絡襄城外置八營  
 軍峴山楚山以截其援自以中軍四千據虎頭山以瞰  
 城中署從征人李復為南漳縣尹黎可舉為宜城縣尹  
 拊循其民以賦軍饋城中之民受圍日久夜半二人絕



城叩營門具告虛實願為內應答失八都魯與之定約以五月朔日四更攻城殺之密號而去至期民垂絕以引官軍先登天將明城破賊巷戰不勝走遇伏兵被擒襄陽遂平加答失八都魯資善大夫比賊再犯荆門安陸沔陽答失八都魯輒引兵敗之定青山荆門諸寨九月率兵略均房平穀城攻開武當山寨數十獲偽將杜將軍十二月趨攻峽州破偽將趙明遠木驢寨陞四川行省右丞賜金繫腰十四年正月復峽州三月陞四川行省平章政事兼知樞密院事總判襄諸軍五月命王

盧克治字仲敬四川夔之開州人守漢陽時郡邑新附人心洶洶克治布宣上德撫慰綏輯一郡向化  
王斌至正初為蒲圻尹與縣丞狄忠主簿李估協恭出

治加意學校行鄉飲酒禮

成宣皇慶間為嘉魚縣令修築長堤有功

鄧仔至正中為蒲圻丞博學善辭命有古人風

韓世輔河南人順宗初為蒲圻尹以儒飭吏治明恕清

通

何琦宛平人以總管統軍鎮府持法平軍令嚴而民不

擾

劉蛤八兒順帝時知黃州以德化為先務聲動江淮民

多感激立德政碑

馮翼吉安人第進士任漢陽丞以清雅見稱

仇公度知黃陂在官清慎蒞政有方秩滿去邑人思

去思碑

周廣弘農人知羅田大德甲寅遷縣治於官渡河民便

之

秦文郁河南開封府人為漢陽尹政聲大著民懷其德

惠

許弼字賢輔益都縣人為漢陽令政教休明德行顯著

一郡嚮化

馬兒蒙知麻

早

野落蓋政庶能詞訟不作民安物

趙管公順帝

總管有廉名去任民思之

解觀言水人

錄事以清廉稱

鐵哥木高昌

時遷達魯花赤適土人蔡知府者

叛木率衆先

數鎗猶戰不已遂討平之主將怒

將屠其城木

暴知府數人爾城中人何與焉蓋

誅其黨與而

濫反無辜主將嘉其誠懇城遂得

全

徐元素銅臺

不時知孝感聽訟精明善容物綽有

今聞

精神元真初知荆門趙從政記謂其能撥繁治劇雍容

整飭約已節費勤於為政

馮相延祐間知荆門寬仁慈愛沉靜篤厚文學政事並

稱于時

耿奉訓守荊州廉恕公正剖決如流歲饑出俸米煮粥


全活五萬餘口民為立德政碑

阮伯顏仁宗時知潛江明作為政時縣治遷徙無常學

校顏圮伯顏脩建規制聿新

鄭文暹順宗時知潛江為政公廉丕揚風化察冤獄清

案牘剖斷如流民為立石



張彥文保定人至正間知當陽適縣治始作彥文安輯  
人民增益戶口立學校作士類去任人爲思慕  
魏從恕順帝時知應山繩吏以法撫民以恩虛懷下士  
開誠奉公民爲立碑

喬成趙資仁先後今孝感加意學校作興士類迄今並  
祀茲土

伯顏帖木兒泰定間知監利關隘地廣學宮政績懋著  
邑人傳頌

毛好義成宗時知公安文學典贍政事嚴明今行禁止  
張元愷元統中尹公安爲政清簡不事浮靡崇尚風教

業共業後爲勝州太守

朱顯文知公安恪守清節文章政事爲時所重後罹兵  
變饑饉一家淪喪殆盡而顯文潔身守義終不以利祿  
動心

李有平陽人物知華容嘗書廉勤公慎恕五字于壁以  
自勵繼知臨湘治如一日

樊益字友諒汴人知慈利治行廉明旣去民懷其德翰  
林張允爲作去思碑文

山馬西夏人好學不倦同知澧州治行卓異旣去民思  
之立碑紀績

楊允至正間知監利居官平易善政卓然

宣差越烈大德中為澧縣令盡心民義修建天門橋民

便之

凌茂翁字德思安州人知安鄉以理學名註五經官至

集賢院學士

稽適為石首縣主簿民有父子坐重辟者府下適按之

適得其情父抵法而子免死其人感頌之曰主簿仁人

也當令生子明年果生子且穎敏天曆中及第

文應祥元統初任監利縣教諭始至學校廢壞嘗咨監

利吏曰政有似緩而實急者學校是也若此則可安也

一舉百廢非一日可成非一人之力可就也應祥教然

掄俸倡之知縣李實贊成壯觀

楊克忠鄧州人世襲萬戶順宗時經中賊由安陸攻襄

陽三閱月城陷克忠不屈投江而死

呂流太原人為襄陽路總管清潔劄正敷文教嚴祀典

息訟興廢抹笑患理冤滯立關廟復侵地民立碑頌德

又立去思碑於峴山

柴肅長安人為襄陽路總管順宗時竹山賊陷襄陽肅

不屈被殺於高齊坊

張庭瑜襄陽路總管興廟學剗弊政治績茂著

安乃馬及襄陽路總管尊崇廟學大振文教又修築大堤以防水患襄漢亦賴

石抹不老契丹人懷遠大將軍夔路守鎮副萬戶至元十八年大小盤諸洞蠻叛不老領諸翼蒙古漢軍三千餘人駐施州既而蠻酋向貴誓用等降其餘洞蠻之未服者悉平遂以為保寧萬戶

晏只奇敷武蒙古色目人知宣城律已廉潔政事嚴明民愛之既去立碑頌德

那海唐南漳縣達魯花赤愷除慈祥民心愛戴既去民

立碑志去思  
盛元祖知南漳持已廉介有善政民戴之若父母勤政績於石以系去思

馮士義真定人知南漳興學勸農百廢具舉在任之日麥有三穗七穗之祥及去民咸慕之

王麒字麟輔太原人至正三年任棗陽縣尹治事廉平有政績今存德政譙樓二碑記

楊乘穀城縣尹儲義糧清宿弊發奸摘伏如神時論偉之

于諒穀城主簿元兵下襄時儒學廟宇蕩然灰燼諒至構治一新文教復振

朱澤字齊卿陝西涇陽人知光化廉慎有為興廢舉墜  
誠心愛民早禱多應民立碑頌功德

赤憐真鄖陽監簿守已廉潔六事興行闔邑感頌

趙宏偉世祖時為衡州路治中群盜出沒其境宏偉計  
其地與屯田以授民耕民既足食盜亦為農郡遂寧謐  
劉燾孫至正末為常寧州學正湖南陷常寧長吏棄城  
走民奉印請燾孫為城守城賴以完外援絕死之

劉存吾由進士世祖時知臨武蒞政以敦本善俗為先  
務常作勸民詩若干首雖不求合律度而實切於勸懲

至今邑人傳頌

立石頌之  
李希賢號芳洲澧東人仁宗時知臨武愛民禮士邑人

皮元臨江人仁宗時由翰林脩撰知臨武有氣節政尚  
寬簡修廟學

史秉彝順帝時任衡州推官廉勤公正賑饑興學復侵  
田民其德之

許盧馬家口人衡州衛萬戶軍政嚴肅興立學校士民  
稱便

王顯字彥達至正間知安仁政平訟簡修清溪書院學  
校益衆

沈道三茂夫廣西人安仁尉值兵亂世變兵以備多方捍禦民禍死之

倪德政常德路總管有惠愛于民既去民立道愛碑  
若峒常德郡監有古坎每歲運輸民數在百餘戶從此  
門外至清水十五里開河以通運歲旱利以無田民甚  
賴焉

苗益知龍陽州洞寇侵掠人民餓饉益賑濟保無乏  
如子後陞官德路總管

谷義性如襄陽鐵水丹兵入境害民益造法立與主簿  
張德修不去汝既

馬刺丁家古人順宗時初任祁陽達魯花赤羅飛  
推誠理論飛遂款附安集流亡哀矜獨民懷其惠  
負而歸在任二十八年遷廣海鹽課提舉卒莖縣北民  
有遺思

劉潛吉安人字孔昭任來州錄事至正時方饑疫隣境  
道糴未明民懷金玉而死者潛遣吏持所受告身墜于全  
守石古峯守義其請送通商販民賴以活義兵校張榮  
等剽奪于民乃白府將盡逮捕下獄強暴斂手後為祁  
陽尹作遷鄉歌詩招來安撫民之流徙者感泣而歸  
木撒順宗時知來州洞寇攻城設謀力戰却之民賴以



全事聞以亞中大夫處其功

鄧祖勝以右丞守東州國初平章楊璟兵圍其城屢戰屢屈食盡自殺

吳芾至正中永州知州官重建路學有善政吏畏民安

雷元知江華勸課農桑作興學校賦役均詞訟省允稱

良牧言文入字山

虞槃為湘鄉判官有宣民殺人使謀已者坐之上宇嘗

阿從槃獨不肯罪殺人者卒不免而坐者得不免有巫

至其州言某日某方大水以惑民槃乃斷巫

去

楊處仁仁宗時知湘陰州首停荒田之稅興學勸農

三月訟簡獄空暮年逋稅皆足流民復業田野謳歌愛

慕不已

王文彪知湘鄉州伸冤抑強士庶仰之如父母奸黠畏

之如雷霆廉介之名振駭湖湘

張思敬知醴陵州修學勸農橋梁道路繕理一新政績

茂著

樊理古知湘鄉州清廉寬恕勇敢決斷蒞政三年民皆

悅服

楊晉孫判湘鄉廉明果斷公餘閉戶讀書門對云晚學

未諳為政術平生惟有愛民心

呂公介天曆間知州事著賢能聲百姓思之

吳公簡至正間祁桂茶陵諸郡邑寇作公簡時為總管

竭力捕擊保障一方所獲賊巢穀粟平賈糶以濟歲歉

民刻石紀績

脫因茶陵達魯花赤邑早齋戒徒跣曷暑禱雨隨應廣

東寇發帥府檄郡邑繕城池節縮諸費事集而民弗擾

州之役賦視鄰地多寡以為戶籍上下貧富相傾每失

其實因稽校之自是民有定賦

柳不華武岡路總管元季兵亂不華率義屯武岡同保山

郡聞之亦勸天民嘗頌之曰前有公綽武岡父母今之

郡侯無乃其後足我衣食安我田畝我子我孫與侯同

久

李朝端泰定間為新寧縣尹有遺愛在民

黃順翁順宗時知新寧縣雅以文章政事稱

李文淵膠東人順宗時知新寧旱禱輒應創十賢祠

張經為辰州肅政廉訪司僉事奇才偉畧卓犖過人分

巡邊境禁約省民洞民止於會溪交易修設隘寨歲撥

官兵禦守谿洞諸蠻恬然無敢犯者

官

宣讀十一

王柔克至太初為盧溪尹以信待物以勤集事興學校  
化夷俗深得牧民之體

鄧澤郴州路總管有政績尤著武功

楊文安天水人至元十三年仕為宣撫使分兵畧施州  
擒宋統制薛忠會大雪遣蔡邦光夜攻殺守將何良十  
七年遣辯士王介諭降散毛諸洞蠻仕至龍虎衛上將  
軍中書左丞行江西省事

蔡邦光至元十三年攻施州奪其城征散毛卒十七年  
四川南道宣慰楊文安諭降散毛蠻以散毛之子入覲  
散毛既降而殺之其何以懷遠乃擢邦光之子陞為管  
軍總管佩金虎符賜散毛兩子金銀符各一并賜其酋  
長以金虎符

身以金氣餘  
軍賦亦以金氣餘  
胡廣總志卷第六十六

湖廣總志卷第六十六

宦蹟十三

國朝鄧愈泗州虹縣人元季天下亂從太祖起義  
年方十六有大志勇力過人凡戰必身先破敵洪武初  
為征戍將軍克隨州討王保保於定西討澧州諸洞繼  
進僉書行樞密院行省叅知政事鎮襄陽設公署增城  
池恩敷江漢士庶樂業四境以寧吳元年卒於軍追封  
寧河王謚武順  
楊璟合肥人國初命為湖廣行省叅知政事帥師取  
江陵次沙市陳友諒故帥姜班等以城降以璟鎮其地

威望大著尋討寧鄉易華平之陳友諒散卒復攻辰州諸郡詔璟進討諸洞蠻眾皆潰復取澧州石門縣擢湖廣平章仍署荆門事洪武初取永州於是耒陽諸縣皆款附復討土酋卓屋留撫慈利尋綏寧民叛辰州十八洞及九谿諸蠻亂璟悉討平之封芮國公卒謚武信周德興濠人國初拜湖廣叅知政事同楊璟取廣西洪武初取永州道州命為征南將軍以討卓屋功封江夏侯率荆湘舟師伐蜀五溪蠻亂議出師討之德興請行上以其老未之許德興請益力且自示雙鑲狀

水利溉田甚廣歲增七租五關諸蠻亂命為征虜將軍討平之追封江夏侯

胡海字海洋定遠人國初從徐達克荆常澧衡澧辰諸郡尋克寶慶俾海守之於是靖州來降擢寶慶衛指揮僉事鎮益陽洪武初擒元萬戶數人永州平復命為左副總兵取上思州以天門山討覃屋率銳卒布柵緣崖克之師入武岡飛系及新寧石鶴金竹寨斬其渠魁伍開諸蠻亂海招降山峒十二授鎮國將軍封東川侯陶凱字仲立臨海人學善屬文吳元年同宋濂修元史成授翰林供奉洪武初拜禮部尚書請修會要載時

政會湖廣叅知政事特命凱往賜凱與吳雲公田米百石養其廉凱資性過人才高學博識見卓遠為文千言汨汨不見有艱難言初遊吳楚文多激慨中更離亂去居深山中授經養子文多隱約明興應聘而起凡稽古禮文事多凱論定文兼領翰林院事詔令封冊歌頌碑碣時時命凱文童遂盛傳于世

吳雲字友雲宜興人敏達善詞賦洪武初累官刑部尚書出為湖廣行省叅知政事始建學校嘉尚師儒後坐事被逮上憐其才而釋之謂雲曰雲南未奉正朔

事為吳氏作壘賈平對曰天命所在誰能違之臣奉威

告以大義彼必附順若真頑不從與師未晚九月遣行後梁王遣人誘之逼令改制書雲不從以死自誓竟被官詔歸其柩葬應山縣後大學士徐溥奏卹典謚忠節命雲南立廟祀之

吳良字遠人國初與弟禎從渡江洪武初命為征南將軍討五溪諸蠻良深入險阻冒瘴霧次渠陽之靈溪而銅鼓五開清浪俱破惟古州蠻地廣人衆良不忍加兵悉聽降附溪洞畏威懷德輸租貢莫敢後封江國公卒謚襄烈

李新濠人癸巳來歸從克滁和渡江拔采石取姑熟鎮

江江陰婺州諸暨彭蠡大戰平武昌取江陵累功陞正  
于戶下湖州圖平江平吳陸指揮僉事守茶陵為督府  
僉事營孝陵有功洪武十五年封崇山侯食祿千五百  
石二十八年坐事死

謝成濠人從克稔和渡江拔采石太平金陵功授總管  
南徐功陞管軍于戶營戰彭蠡平武昌淮東轉攻湖州  
克姑蘇陸指揮僉事從征中原平元都收趙燕魏諸郡  
遂取山西破陝西平淮浪陸指揮使為晉王府相行  
某且昔降高戶今大逆討平洮番十八族洪武十二年

還二十七年坐事死田宅並賜江吳

王志濠人有謀畧壬辰起鄉兵取濠又明年來歸謁  
上滁陽從克和州采石姑熟溧陽金陵鎮江圍常州屢  
騰柵先登身犯矢石陞右副元帥從平常州寧國江陰  
征高郵擣九江下黃梅降南昌滅友諒彭蠡從征武昌  
與賊還暎還克廬州援安豐陞新軍指揮使守六安改  
六安指揮使比伐中原從馮將軍渡河取懷慶澤潞留  
守平陽移漢中將屯陝西深入察罕腦兒絕塞却胡還  
軍平陽累陞都督同知洪武二年封六安侯食祿九百  
石與世券賜田佃墾戶從大將軍統中軍征朔漢又從

傳將軍平雲南繕城隍立屯堡凱還十九年卒贈許國公謚襄簡

鄭邁春濠人與兄邁霖采附甲午從取滁鐵佛岡三汜河大柳樹諸寨爲先鋒克和陽渡江拔采石太平授總管攻蕪湖遇霖戰死邁春領其兵從征取溧水破方山營定金陵解圍牛塘取宣州陞左翼元帥從克揚州婺州再擊敗友諒兵下黃梅南昌大戰禁江口殲友諒平武昌下淮安取安豐頴六安陞六安衛指揮僉事留守征中原下汴洛陞朔州衛指揮副使進都督僉事洪武三年討萊陽侯食糧凡百石與世壽等事壽壽逾年復

運二十三年卒

趙庸廬州人與尤仲中率舟師來附從渡江拔采石太平定金陵克安慶陞仲中僉院守安慶友諒破安慶上怒欲誅仲中庸以尤故特授僉院從破安慶九江南不許竟殺仲中庸以尤故特授僉院從破安慶九江南昌陞參知政事鄱陽之戰庸及通海永忠等以六舟深入陷敵力戰大敗漢兵友諒死賜庸金帛從平武昌克廬州一豐海安高郵淮安從伐吳拔蘇州陞中書左丞從大將軍取山東兼太子副詹事克東昌汴洛渡河取



河北州縣克元都西拔晉秦諸郡走張良弼降李思齊  
 還搗永平過惠州至大寧也速遁破開平追奔至北河  
 俘王宗元三人元兵攻大同李將軍謀於庸出雁門至  
 馬邑擒脫列伯進兵東勝未幾慶陽平洪武三年封南  
 雄侯食祿千五百石與世券外傳云世券與世券  
 華高舍山人甲午入巢湖乙未來歸克采石溧陽太平  
 授總管破水寨方山營擒陳兆先徙定金陵鎮江陞秦  
 淮翼元帥下丹陽金壇常州陞僉行樞密院事擊敗趙  
 普勝漢人犯龍江高與張德勝敗於石灰山從征友諒  
 克安慶馮九江友諒克安慶馮九江援長興敗李伯昇伯昇下南昌戰鄱陽鄱陽戰  
友諒克安慶馮九江援長興敗李伯昇下南昌戰鄱陽

舊館進圖蘇州平吳陞湖廣行省平章政事洪武三年  
 封廣德侯食祿六百石與世券券成會高使廣東視海  
 南城池券畱內府明年卒於崖州 上命中書省支高  
 祿二百石即無子納券墓中贈巢國公謚武莊從子岳  
 授指揮僉事

朱亮祖六合人元義兵元帥乙未 上克寧國擒亮祖  
 喜其勇悍賜金帛仍舊官復叛歸元數與我戰敗我軍  
 七十餘人徐將軍等圍亮祖寧國常將軍破創還 上  
 自往督戰徐將軍奮攻縛亮祖見 上詰之對曰生則

畫乃死則死爾。上壯其言，鞭而釋之。從而立功。歷陞  
元帥。至院判。從征友諒克九江。下南昌。江西諸郡大戰。  
鄱陽湖。平武昌。陞廣信衛指揮使。會胡深討陳友定。攻  
桐廬。餘杭。至杭州。降潘原明。陞浙江行省叅知政事。副  
李將軍守杭。帥馬步舟師討方國珍。國珍拒戰。敗奔黃  
巖。亮祖入城。遂徇下仙居。諸縣進兵温州。國珍子明善  
拒戰。敗。率妻子遁去。分兵徇瑞安。還至黃巖。方氏父子  
來降。送建康。為征南副將軍。取兩廣。帥還。太子率百官  
迎勞龍灣。洪武三年封永嘉侯。食祿千五百石。與世券  
後坐。坐黨。十二年卒。上為志壙。以候禮。葬于暹。從征  
有功。為府軍指揮使。

黃彬不知何許人。從徐壽輝守袁州。友諒殺壽輝。歸友  
諒。上拔江州彬來降。授江西行省叅政。從取新淦。復  
南昌。大戰鄱陽湖。克武昌。上書諭江西守將鄧將軍  
曰：熊天瑞龍鳳八年降。今負初言。理宜聲討。令彬從鄧  
將軍討贛州。贛州平。留鎮移袁州。置袁州衛。洪武三年  
封宜春侯。食祿九百石。與世券。後坐胡黨。上念其未  
嘗失朝廷禮宥之。數年卒。

葉昇合肥人。歸。上和陽從渡江。拔采石。定金陵京口。  
授總軍總管。復太平。陞右翼元帥。從征友諒。破安慶。擢

九江下南昌大戰鄱陽克武昌陸指揮僉事拔廬江襄陽淮東克湖州進平吳軍衛指揮使從取明州還征中原陞都督僉事克恭將征重慶陞都指揮使鎮守西安復陞督府僉事洪武十二年封靖寧侯食祿二千石世指揮使鎮守遼東二十五年坐胡黨論死

張溫不知何許人從取太平定臺城京口歷陞千戶僉戰鄱陽湖收武昌陞統軍元帥畧湖南征淮東克舊館下湖州平吳從征中原克陝西下蘭州留守元將王保保襲蘭州圍溫鞏昌守將指揮千光來援至馬蘭灘卒

大呼曰公等堅守徐將軍將大兵行至矣城中聞光守益固相持數月引去陞督府僉事為參將伐蜀克階文成都崇慶討平西番羌戎降朵苴酋萬戶乞失迦洪武十三年封會寧侯食祿二千石世指揮使理河南軍務營周邸從征雲南出塞皆有功後坐胡黨論死

王弼定遠人膽畧過人號雙刀王初結鄉里依三臺山樹柵相保丙申率部下來歸備宿衛克池州石埭婺源授元帥下蘭谿金華諸暨紹興援池州復太平攻武昌大戰鄱陽截擊禁江口平武昌還拔廬江援安豐破襄陽安陸還取淮東克舊館湖州陞指揮使圍蘇州軍盤

門士誠被圍久突出轉戰盤門欲奔常將軍分兵北濠  
截其後遣兵與戰戰良久未決常將軍拊弼背曰軍中  
皆稱爾猛將能為我取此乎弼即馳鐵騎揮雙刀奮擊  
却敵常將軍棄之吳兵大敗人馬溺死沙盆潭甚衆士  
誠馬驚墮水幾不救有興奔入城吳平從征中原下山  
東河南北遂克元都保定中山進兵太原自河中渡取  
陝西兵至察罕腦兒及紅羅斷頭山進僉督府事討西  
番獲馬牛羊駝二十二萬班師洪武十一年封定遠侯  
食祿二千石世指揮使從征雲南功與世侯券加祿五  
百石為副將軍征大盛東出遼東征納哈出二十二

諸功臣還鄉一十七年卒

曹興一名興才不知何許人從取姑熟定建康克南徐  
收武昌陞指揮僉事平吳陞指揮使從征中原定元都  
陞河南行省叅政討西番洮羗征朶朶凱還洪武十二  
年封懷遠侯食祿二千石世指揮使理軍務山西已而  
北征有功洪武中卒

汪興祖巢人初為張德勝養子德勝戰歿子宣幼興祖  
嗣職從張姓征友諒與俞通海趙德勝搗水寨抵江州  
克其城進拔蘄州從取南昌張士誠圍劉福通安豐興  
祖從上援敗其衆遂攻廬州鄱陽之戰興祖等六舟

明史紀事本末

宣統二年

添入搏戰又邀擊禁江口敗死友諒擢湖廣行省叅政  
 陞督府副使克淮東下湖州平吳陞同知督府從大將  
 軍北征取山東州縣孔子五十六世孫衍聖公孔希學  
 聞大軍至率曲阜尹希舉鄒主簿孟思諒謁軍門興祖  
 禮之交東州縣皆降兼領右率府事克汴梁還濟寧取  
 元都徇永平下山西取大同時室已長嗣父職興祖乃  
 復姓克武朔為晉王武傅兼山西行督府僉事洪武四  
 年封東勝侯人有言其過者上弗問亦弗與誥券令  
 自效圖實封從傅將軍克階文蜀平章丁世真據險距  
 我兵興祖躍馬直前中飛矢死詔都督興祖及正事受  
 其子五百石興祖子幼以所賜田五頃  
 今興祖同居後疾卒

張赫深人歸附授千戶從克定遠泗滁和州授采石太  
 平空總管收集慶鎮江常州進常春翼元帥守常州大  
 戰鄱陽湖禁江口征武昌降陳理下湖州平吳討方國  
 珍克慶元溫台隆國珍陞福州衛都指揮副使捕倭功  
 陞同知署都司事坐捕倭無功奪俸統哨出海入牛山  
 洋遇倭追至琉球大洋擒倭酋調興化衛還俸召陞督  
 憲僉事時遼東艱食命赫督海運庚申辛酉歲一行捕  
 東嶽山寇仍督遼運癸亥甲子乙丑下邳歲一行二十

年封航海侯食祿二千石與世奉養二督海運二十三  
年卒贈恩國公謚莊簡

胡顯臨淮人父臬立功開國時歷官定遠都指揮同知  
昭敬皇妃臬妹也妃生楚王封武昌改顯武昌護衛洪  
武十四年從王之國顯隨父陛辭 上曰臬老矣致仕  
顯嗣官從王征銅鼓諸蠻功陞督府僉事侍主二十一  
年從普定侯靖寧侯征東川龍海諸蠻得城邑馬畜珍  
寶獻 上明年封梁國公食祿若干石與世奉出入朝  
禁者十年

家承忠先

忠等以千餘艘保巢湖與俞通海共迎我師於和州

永安結少年聚保鄉里隸彭祖為萬戶甲午彭祖敗永安  
忠等以千餘艘保巢湖與俞通海共迎我師於和州  
上見永安獨少謂汝亦欲圖功乎對曰幸得事 真  
主剪除寇亂垂名竹帛是所願也 上悅以永安為水  
將永安副之六月從渡江援采石太平蕪湖乘勝定建  
康常池諸郡無何永安為士誠所執遂授樞密簽院領  
永安軍克縱陽復太平辛丑從 上親征陳友諒取安  
慶九江及下南昌友諒罄兵赴圍之 上帥諸將逆戰  
於康郎山我師幾殺永安忠數以飛舸徂擊敵及縱火焚  
其舟友諒中流矢死其子理退保武昌 上麾諸將抵

城下聯舟為寨列江中以斷歸路分兵屯柵其四門命  
永忠以守明年上視師武昌趣永忠等攻城益急陳  
理降授湖廣等處行中書省左丞後征淮東蘇浙閩廣  
巴蜀皆有功封德慶侯祿一千五百石與世券永安以  
死事追封楚國公謚武閔配享太廟

胡閏初從王師取江南攻湖廣累樹勲績歷官襄陽衛  
鎮撫鄧愈鎮襄陽閏為部將戮力禦五保保開屯田省  
刑役遠近悅附洪武元年隨克南陽等處繼下隨州破  
洪山老馬劉寨討蜀河莽張四年正月上命傅友德

伐蜀勅鄧愈選襄陽衛指揮任亮等率師佐之慮襄陽

城守無人命閏統兵鎮其地

王叔英字原采黃巖人洪武中由教授陞漢陽知縣值  
歲旱齋沐遍詣神祠懇禱甘雨隨降繼而雨不止復禱  
于神即霽嘗遇楊士奇於江夏薦於朝又以方孝孺薦  
陞翰林院脩撰靖難師起募兵廣德州及京師破知事  
不可為沐浴衣冠書絕命詞藏裾間自縊于玄妙觀銀  
杏樹下 文皇登極治奸黨妻金安人繫獄死二女赴  
井死正統中楊士奇題其墓曰嗚呼翰林脩撰王原采  
之墓叔英著有靜學集士奇求遺稿僅獲詩十七首及  
漢陽禱神文三篇

戴德時昭人洪武初任湖廣行省叅知政事初取武昌  
勲績茂著復從克荆常澧衡潭潁寶慶襄陽沅湘及辰  
州諸郡溪蠻以疾卒于京師詔贈湖廣等處行中書  
省右丞護軍追封譙郡伯  
詹彥中臨淮人元末辰沅蠻叛命鎮辰州創衛所增浚  
城池軍政嚴肅洪武初拜湖廣行省叅知政事辰有五  
溪為盤瓠蠻獠雜處彥中動中機宜勲猷德化流溢湖  
湘卒在任郡人立懷德碑

胡興福洪武初上平湖南置郡縣興福以明經除授  
美陽招集流亡撫定宿瘼墾闢草萊疆理土田乃創

字草時初自廢皆舉而民

李建琛一名琛景陵人從

景陵衛指揮副使時鄧愈以湖廣行省平章出  
建琛屬焉嚴號令繕甲兵築城壘修屯田西禦王保保  
兵遇征討則備前驅鄉邑之民賴以保障

陶安字主敬當塗人元至正舉人少敏悟有人志究心  
濂洛之學高皇渡江安率父老迎謁上召語時事  
安曰今豪傑爭雄志在于女王帛非有撥亂救民安天  
下之心明公率眾渡江神武不殺人心悅服以此順天  
人行吊伐天下不足平也上曰善以安叅謀太平府



轉郎中已而克武昌以安知黃州府事剪荆棘拔草萊  
建廨宇闢田野均賦役緩逋亡度務悉舉召爲學士知  
制誥修國史時召四方宿儒集議禮制安總裁定修律  
爲議律官 上常賜安對國朝謀畧無雙士翰苑文章  
第一家卒年五十七疾劇猶草上時務十二事贈姑熟  
邵公國初諸禮多安裁定大祀禮專用安議

李琦真定元氏人洪武初授監察御史永樂中往諭安  
南陳氏歸侵地 上嘉之擢禮部侍郎後占城侵交趾  
復命往諭如初乃命爲湖廣布政使

張彬洪武初爲湖廣布政使

周文貴復克辰州諸郡 上諭彬曰湖南地接溪洞賊  
人恃險負固叛服不常爾其慎諸丁未九月召彬及湖  
廣左丞周德興還建康以是年冬復命爲征南副將軍  
率兵下郴州事竣頒賞有差 彬等皆言其  
管時敏洪武中楚府長史在任四十餘年忠誠謹恪始  
終如一王奏留居本府祿養終身仍賜地黃屯山所著  
有蚓竅集秋香百詠詩  
華士瞻偃師人性醇厚有雅操洪武初舉賢才擢湖廣  
右布政

呂琛初以軍功授鎮撫歲丁未冬十月從平章楊璟平湖湘洪武元年春正月進兵攻永州元守將右丞鄧祖勝拒敵戰却之獲其士馬祖勝收兵入城固守璟命琛等圍之元兵自廣西來援軍勢甚盛璟遣琛率兵擊之元兵大敗獲其萬戶丁武等一千二百三十九人馬一百餘疋夏四月克永州繼取耒陽進拔靖江皆與有功吳永寧國初從征平武昌益陽常德江陵襄州安陸歷官荊州衛指揮洪武初從楊璟師次永州擊敗鄧祖勝兵進取道州藍山武岡諸郡復永州璟引兵抵靖州命琛率衆登城執其帥遂克靖州州土官平將

降論功資以文綺

朱壽洪武初從征爲萬戶渡江取江左郡邑陞總管叅常婺克武昌平蘇湖轉叅南北積功歷陞督府僉事與張赫轉餉有功二十年於舳舻俟食祿三千石與世券後坐胡黨論死

趙耀真定人洪武初爲湖廣行省掾從徐達取蘇州授都督府都事優於機畧堪湖廣行省叅知政事

李叔正靖安人年十三以能詩名既長博通于史洪武四年自國子學正出補興化令入爲禮部員外郎歷陞湖廣叅知政事轉右布政君拜禮部尚書

安德汝州人舉元進士既居授徒洪武初為州學正手錄五經四書以授生徒復以明經徵入召對稱善擢湖廣左叅政

王麟字應龍魚臺人性倜儻肆力於學洪武中歷湖廣左叅政督軍討交趾所向克捷左遷行人後轉廣西右叅政卒於交趾

何廣上海人洪武中以明經薦為縣令歷官湖廣叅議在藩垣得方岳體所著右律解辨疑

朱吉字季寧崑山人元編恢德潤子也洪武中薦授戶部給事中時糧長稽違勸皆坐死籍沒吉跡言減死又乞寬劫盜黨禁以安及傾省從之後以善書入為中書舍人尋改侍書擢湖廣按察僉事以事繫獄永樂中復為中書舍人

朱逢吉嘉興人洪武中以賢才薦知寧津縣有德政擢湖廣按察司僉事入為大理寺丞長於文學所著有牧民鑑童子習二書

劉淵臨桂人洪武中鄉薦拜監察御史激揚有聲擢湖廣按察司副使

黃信彭澤人洪武中繇薦舉授監察御史以才著名出為廣西按察使未幾改湖廣信秉憲持正不撓後拜右



副都御史丕振風紀

黃宗載豐城人洪武乙未進士授行人歷遷湖廣按察

僉事時銅鼓五開多巨姦號難治宗載毅然往諭諸豪

右悚懼無敢犯者後謫驛丞起為監察御史

鄭雲字行從伯王之後也洪武戊辰進士授監察御史

擢湖廣按察僉事廉慎仁恕雅有文采

鄔修字存誠南昌人洪武丁丑進士授行人擢湖廣按

察僉事坐貶廣西太平知府操履清勁士論無間然

宋性德州人洪武中繇國子生為刑部主事署本部右

寺郎後出為湖廣副使以廉能稱

即其子也初知武昌府勤於撫字教養有法南

里其子也人洪武初以蘇州知府左遷大治知縣處心

也其子也廉潔不工楷書惠民不幸教嘗作戒諭文民

其子也化焉

其子也初可容人洪武初知興國州廉恕公平州南

有之其子也城隍數日兩虎自斷死州西有湖邊壞捐

俸養其子之興學校毀淫祠喪葬用家禮民多化焉去

之其子也者數千人莫不垂泣為立去思亭

馬在國初知通城縣事按荆襄置縣治穰除凶暴撫輯

遺黎逾年田野闕戶口增境內大治民立碑頌之

姚以德洪武戊申自建平丞擢嘉魚尹勝國之季嘉魚

嘗憂衝民不勝苦流亡幾盡以德闢草萊訓耕耨數年

之間令歸物盛民甚德之陞濱州知州民為謠曰南有

嘉魚樂官之巨姚侯蒞止以扶以鋤昔也干戈今也禔

孺翁壽系林清嘉所濡樹德方滋徵車在途未懷去思

沒世

柯以平其人洪武甲辰平陳理命知蒲圻縣時亂定

民多流亡理自勸農勸學草萊疆理田土躬督農

民多流亡理自勸農勸學草萊疆理田土躬督農

馮杲洪武初知咸寧時兵革甫定杲剪荆棘招流亡初

解字興學校立壇壝崇祀典卓然有為民稱誦焉

戴誠字邦固括蒼人由進士洪武中任蒲圻丞革弊政

修學校建讀書樓與諸生講學撫善鋤奸豪黜屏息時

以古能吏稱之秩滿陞戶部員外郎

程瑞洪武初知漢陽府肇建解字修立城樓招撫流移

居民安堵政聲大著

蘇恭讓廣平人國初為漢陽知府愛民如子吏不忍

欺庶幹有為公私亡擾至今民思慕之

明黃德志

宦蹟十二

趙庭蘭直隸和州人洪武初知漢陽縣有才能鳩工簡材創置縣治而民不告勞

楊觀江西上饒人洪武間出宰漢川敦本務農輕徭薄賦去奸弭盜以安民生修學講禮以興士習政行訟清百廢具舉

汪瓘洪武初由御史改應山知縣創置學校勸課農桑初抵任縣止一里三年增至三里至今邑民慕之諸葛平陽朔人洪武間為應山縣知縣廉能愛民均徭簡賦吏服其威民安其惠歷官叅議

克襄陽復領軍屯駐安陸肇創城郭進兵克大洪山取均房等州破四十八寨授安陸衛指揮使後以軍功累陞都督進封安陸侯今祀功臣廟

陳禎字景禎華亭人洪武初為禮部主事嘗是大議俾攝部事出知襄陽府時荆土蝗獨不入禎境永樂初召為鴻臚少卿

鄒律懷寧人洪武初貢知襄陽府居官以廉稱尹希文武清人洪武初由茂材知宜城持已廉謹蒞事勤能四民樂業保留再任閱二十年晉四品俸卒于官楊銓字仲衡豐城人洪武中知襄陽縣外有施行雖小

必立程式庶威臨下惓惓愛民輿論歸焉

俞友仁錢塘人由儒士登洪武辛亥進士任襄陽縣學

教諭博通經史善草隸書充工於楷歷司文衡與修會

選教育人材多有造就

龔巖直隸崇明縣人由舉人洪武末知孝感縣事修學

校勸農桑律已嚴明吏民畏服後陞按察司僉事

葉宗字承允永嘉人洪武中知黃州府心志宏大決事

如神湖藩政事首稱

左安善吳元年知蘄州創建衙宇興立學校公勤廉潔

惠政及人至今稱之擢刑部郎申出知河南府卒于官

李仁守道洪武初知黃州府此資端謹言行不苟

以下士慈以撫民凡厝宇壇廟學校倉庫皆其創建與

陶安相媲美焉

何晚齡漳州人洪武中同知黃州府事綽有政聲擢知

府廉明果斷能聲益著吏民敬仰九載考滿去行李蕭

然

安貞洪武初同知黃州府事守法不撓為姦吏訐奏被

逮成獄事聞上諭湖廣提刑官曰律在法司守法固

宜貞佐郡所為朕訪非其私也猶吏污蟻之以報忿耳

此風一長則有司無害矣遂復其官吏反坐

月... 官... 十二

法廣紀  
周政洪武初知荊州府招集流亡修治學校政聲遠聞  
功績著于一時

陳獻銅梁人洪武間知監利縣雅飭不為華貌時有司  
造官楮民病之獻奏減大半民獲其利

朱原真徽州婺源人洪武中知荊州府事剴繁治劇庶  
靜近民造士不倦

李鐸福建甌寧人五經皆涉獵而邃於易洪武中增廣  
生員劉魁以學官缺奏用經明行修之士以成詭人材

詔吏部如其言選除得鐸授監利教諭累以師道自重  
為六一主傳註不尚穿鑿而貴鐵確一併於洪武中著

其門  
許德洪武二年知公安縣凡學校公廨一二修舉

崔庸洪武間公安縣丞開濬廣德楊石二塘至今民享  
其利

許彥盛洪武初知松滋縣創建公署為政有方民胥懷  
之

應伯和洪武間知荊門剛律已廉介治民仁惠去任惟  
琴書而已州人懷其恩德久而不忘

魏忠洪武初知當陽縣創立公廨勸民興學政績實多  
鑑復明洪武中知江陵縣修理學校勸課農桑民懷其

月廣德  
官廣十二



德

唐唐陝西夏人洪武間知岳州府廉介有為廉重修

舉陞湖廣參政有事交趾卒  
即子六洪武中知巴陵縣慈惠恭勤創立縣治興學宮  
置壇遠歲地民不勞而事集既去民思慕之如父母

葉世  
所編有岳陽風土紀

滕枏浙江人洪武初知長沙府公道廉能審幾善斷發  
奸摘伏知事在任六年訟簡賦均民安盜息闔郡畏而

均平毋害小民獄訟詳明毋枉良善去任民慕之如父  
毋

甄誼西安人洪武中同知長沙府事勸課農桑作興學  
校鋤強扶弱綽有政聲尋陞順天府尹

黃思讓淮安人洪武初以知州知湘陰縣勤理廢政善  
斷獄訟時兵燹之餘孜孜教化縣治公署皆其創置民

不告擾解印去能繫民思

吳顯洪武初改湘鄉州為縣顯亦以知州改知縣事公  
正處心庶勤律已招還流民墾荒田八千餘畝新建縣

治澤遺後人

海源善洪武初知安化新設縣治勤于政事謂人肌膚受之父母何可毀傷乃以熟皮為鞭使知愧而已民愛敬之不忍欺焉

朱詡洪武間知湘潭縣廉潔自守門無私謁每食糲飯鹽蔬而已禱雨齋沐額神三日即雨縣嘗有虎患吏請設檻穽詡曰猛獸虐人守令之過也惟修德可弭之焚香致祝數日虎自屏迹

莫玉洪武初知湘潭縣事招撫流散戶口日增草創之初公解學校荒落一空正經營佈置規制截然

曾奏除水運民之權監察御史尋陞長沙知府走

定成麟草昧創置後有李士廉皆良有司也

後及善洪武初知新化縣創建公署大興學校持身廉謹敬神恤民人至今思慕之

程平南洪武初同知寶慶府事創始百務守法秉公致政歸囊無餘物士民頌之不表

薛得中陝西武功人由儒士洪武初知邵陽縣愛民致士重建縣學振作儒風

景宗洪武中任新化縣丞潔已愛民一考陞吏部考功

王事民懇請于朝仍俾復任

武初通判衡州

武安仁知縣處事公正

武建縣治公署

周岳直隸望江人由監生

洪武元年任衡陽

授並舉陞梧州知州

洪武六年任衡山

梅月鼎浙江人洪武中知

衡山為政有法恩惠遍民

老奏留陞知本府

親惟政洪武初任衡山主

簿大得民心保陞參政

袁蒸河南人洪武初鄴

王簿為政得民召為御史

張子俊字傑夫洪武初

常德府事有德政不事煩苛

教民以相生相養之道

農桑興學校延聘師儒

選民間俊秀子弟入學

明年行鄉飲使民知禮讓

三萬餘石文盛詣闕請免章三上不報自縊于登聞鼓下工命官費資昭顯之仍以一千三百為額民德之因立祠祀焉

馮惟德洪武初知辰州府廉介明敏躬行教化蠻夷歛跡境內晏然而尤夙夜蓋瘁撤新公署

劉叔忠洪武末沅陵知縣在任清廉自持公正處事民皆樂業永樂中以薦陞工部員外郎召入翰林修書邑人不忍釋率眾詣闕奏保不報復奏得除辰州府同知叔忠益盡心民事徭信服郡號大治

孫應隆盧溪主簿洪武二十八年蠻獠侵掠邊境應隆深入招撫諭以利害蠻黨懷服以其事聞開設鎮溪十戶所尋陞應隆為鎮撫安撫蠻夷邊境以寧

齊伯良四川人洪武中知麻陽縣時民避軍伍深匿蠻洞田畝荒蕪稅課逋負伯良奏免租從之乃招集安附始有華風

丁允中洪武初知淑浦縣忠愛端謹革舊布新以厚民俗士民永懷

張子登洪武中沅陵縣丞德澤廉潔行先簡遺立學

西道監察御史  
動政恤民永樂初徵拜廣

校勸課農桑沅民老稚咸蒙其惠

蓋恒弼洪武初道州府同知時兵燹之餘郡民多流徙外境聞恒弼廉明寬恕咸歸焉民以盜盜百廢俱興秩滿陞本府知府

張原湜兗州人洪武初道州府通判廉能有聲時郡境賊寇猖獗原湜率眾擒其魁降其餘黨境遂以寧

余彥誠德興人洪武中知安陸州勤慎公平勞於撫字擢知永州府時洞徭劫郡邑彥誠諭以威信率皆畏服民賴以寧任二十九年與齊東知縣鄭敏等十人元

後世事建狀品一民其善政諸 附東請 昭若以 彥誠等襲衣帽紗仍給者民里費使還任

虞誠字自銘蘇州吳縣人洪武間任永州知府創修府治皆有成美民不勞而事集紳有能聲既去邑人立石紀績焉

吉徵洪武初任東安知縣時縣治為洞寇所燬官皆僦居民間徵創縣治並分司儒學驛舍制度維新民不告勞

唐吉祥字彥禎直隸欽縣人洪武中由進士知祁陽縣持廉始終不易所守憐貧恤老賦役均平九年考績為天下最賜宴禮部擢工部主事

朱公慶洪武初知寧遠縣開設縣治撫民安業百姓思  
之立遺愛碑

馬伯庸洪武初任郎縣知縣撫字流民興舉庶務人懷  
其惠

張宗正洪武中知竹山縣公廉有為創修縣治民不知  
勞

吉岳洪武初知房州特新集之民岳勞心撫恤凡大小  
公署多所創建至今猶蒙其澤

陳伯傑洪武末知郴州愛民有守值歲蝗旱徒跣祈禱  
有應皇息郡中士民咸稱異蹟

李輔洪武初宜章知縣宣布德化民心歸向此縣治學  
宮增場創建一新邑人頌德

杜堅洪武初知興寧縣開設縣治撫安離叛民用歸附  
各安田里解宇皆其創立憲章燦然與李輔胡視遠政  
聲相望

戴用洪武間知興寧繼杜堅遵約畫一民甚宜之時歲  
早禱于仰竈俄有石燕集其冠頃之飛去大雨沾數十  
里歲以豐稔

李輅洪武間桂東縣典史首興學校修舉廢隆公廉律  
已惠愛及民後陞監察御史

徐誼字宜叔壽昌人歲甲辰征陳友諒子理于武昌命  
 誼知黃岡縣事乃作詩送使者曰紅旗招颯壓滄溟畫  
 舸長驅上洞庭百萬生靈新撫納九重天語自丁寧  
 猿啼山月灘聲咽鼉吼江風水氣腥好語湖湘諸帥將  
 漢家信誓重丹青皇祖見其詩壯之加授承務郎特  
 兵發後邑里寥寂誼綏附流氓百廢具舉  
 溫福洪武間宜章知縣守已廉潔賦役均平民之連  
 者聞風歸附

蔣資江西人洪武中知會同創設有方民不告勞重建  
 學於校士知興起  
 四年任施州衛指揮僉事開創衛署有功

為藩為翰維軍

觀爾成胆奉人初守黔江洪武二十三年從征散毛洞  
 材以供船料軍十六名攻克土地關多所俘獲事平授

熊鍊字學

事秉性剛直洪武初相繼為授刑部主事歷陞湖廣參  
 議廣西參議

羅銓山陽人年為海虞參議歷將農殺人莫敢干以私  
 廣按察僉事

賜按察僉事

秀武中為歷兵刑二科給事中直聲震天

乃有後刑... 而... 乃有後刑... 而... 乃有後刑... 而...

善系用... 乃有後刑... 而... 乃有後刑... 而...

道法以訪... 乃有後刑... 而... 乃有後刑... 而...

毋敗于度... 乃有後刑... 而... 乃有後刑... 而...

身之辜惟... 乃有後刑... 而... 乃有後刑... 而...

爾績景銓... 乃有後刑... 而... 乃有後刑... 而...

云... 乃有後刑... 而... 乃有後刑... 而...

台整字思... 乃有後刑... 而... 乃有後刑... 而...

貞教秩滿... 乃有後刑... 而... 乃有後刑... 而...

馮萬金黃... 乃有後刑... 而... 乃有後刑... 而...

亡勸農桑... 乃有後刑... 而... 乃有後刑... 而...

戚元禮瑞... 乃有後刑... 而... 乃有後刑... 而...

元禮勞未... 乃有後刑... 而... 乃有後刑... 而...

徐善洪武... 乃有後刑... 而... 乃有後刑... 而...

民靡不究... 乃有後刑... 而... 乃有後刑... 而...

戴城字邦... 乃有後刑... 而... 乃有後刑... 而...

修學宮建... 乃有後刑... 而... 乃有後刑... 而...



豪黠屏息時以古能吏稱之秩滿陞戶部員外郎  
駱仕廉山陰人洪武中由進士知崇陽操守廉介撫字  
有方吏民懷畏陞太原知府

孟驥字子良徐州人洪武末為漢陽府推官有忠直廉  
幹之才永樂中官至貴州布政使

羅勉吉水人洪武中舉賢良方正任江夏丞擢知孝感  
公嚴有為興舉廢政庶民懷之

魏樸真定人洪武初知應山值許成之亂招集流亡增  
廣稅額始建學校修舉廢墜後坐事去民多見思

應山和洪武初知荆門州時已廉介臨民仁恕去任之  
蕭然若書居官有聲士民騰頌

劉桓開化人洪武初知京山縣從容綏輯興復縣治有  
開創之功民受其賜至今不忘

劉順池州人元季知平江州洪武初改為知縣建置縣  
治任十五載累有善政

明思禮洪武初主津縣主簿適縣制初復區畫初建費  
鉅而不擾時號能吏至今稱之

蕭興洪武初任道州同知果毅清簡卓有能聲因山徑  
作亂奏改千戶所衛守之盜息民安郡蒙其澤

莫如輔廣東人洪武初為善化勤政恤民人安其業修  
明善總志

舉廢隆令績著聞至今不泯

王叔撫洪武初知湘潭為政慈仁科徵有法民數日著

桑麻遍野民誦歌之

薛德昭長洲人洪武初知寧鄉縣兵燹之餘政無不舉

民無怨言在任八年賢聲籍甚

王處敬廬陵人洪武中任湖廣按察司僉事謫交趾後

復職貞白之操始終如一曰共在任知無以私害公

吳德基蘭谿人洪武中知安化時苗兵未靖土豪易俊

原擾害郡邑上召江陰吳良蕩平餘寇德基慮禍及

其子及麾下以去俊原勢孤乞降遂縛之民賴以安

吳聚洪武初知茶陵兵革後流民初附聚撫綏瘡痍興

舉廢隆迄有成功百姓思之立遺愛碑

葉守禮麗水人洪武中以監察御史改知慈利奏還縣

治士民稱便文章政事卓然並稱

賀時敏山東人洪武中知湘鄉有幹濟之才開闢荒蕪

遷廟學誥戒兵草昧之餘治象一新功績甚著

楊泰渭南人洪武中知崇陽縣蒞政平恕賦役均平凡

百修舉務在與民休息民心悅服尋以報政去者民詣

闕奏留三年

陳福山洪武中知東陵縣居身清謹愛民如子渠堰溉田二百餘頃號陳公堰興學作人尤盡心力凡百舉措深得民心且雅尚風節綽有古人風

毛勝初名福壽北平人伯父邵海元舊官歸附爲燕山中護衛閑牧官從靖難歷陞都指揮同知建文四年卒無子福壽父安太邵海母弟也嗣羽林指揮使永樂七年福壽兄濟嗣官卒無子福壽嗣官以兄濟九龍口殺胡鎮功進都指揮使正統六年征木麓川功陞都督僉事克右叅將復征木麓川功進同知十四年禦虜官府

功陞左府都督是年冬平宣武州又哨虜紫荆關景泰元年克右叅將兵率河間東昌建兵征湖廣山苗寇同烈戶部主事陳汝言言福壽本虜人奸黠不可信勅王驥候福壽至善御之無使驚疑已乃有功三年封南寧伯食祿千石五年進屯金川斬賊功與世券改名勝務金庭彈壓諸蠻天順二年卒贈侯謚忠壯

費瓛定遠人祖遇洪武中爲燕府左相已革府相改護衛指揮使父肅嗣官卒瓛嗣事成祖以靖難功累官都指揮同知鎮守山海關永樂五年召僉事後府六年克副總兵備倭江上七年征湖廣叛寇八年克總兵鎮寧夏其肅討平叛虜亦令真巴十年又出茸肅防察

仁宗即位克平羗將軍鎮甘肅尋陞右軍都督宣德元  
年入朝上念獻舊臣累著功名封崇信伯食祿于一  
百石與世券復出鎮鞏和易善撫循士卒守邊二十卒  
塞境寧靜征漢唐人嘗為先鋒將佐薛祿有功平劍  
德三年嗣伯景泰中鎮守福建卒天順八年子淮澤爭  
嗣憲宗曰淮母朱氏以釗故封夫人淮即適子澤不  
得與淮爭成化元年與淮祿一百石優給嗣伯百學國  
子監十二年祭酒周洪謨奏淮不務學奪半祿冠平中  
以母乞恩故原准卒子柱嗣伯

楊伯成龍泉人洪武初知崇陽縣成從經從修建縣

公私稱便

伍福字天錫臨川人洪武初成監教諭重厚該洽聚諸  
生講經史以道義先之士類奮發終雲南左布政  
李居仁山東人洪武初知蒲圻縣剛決不猛建學立壇  
不待督責而民趨事

朱勝字仲高湯溪人洪武中歷刑部郎中知武昌府所  
在有善政超遷江西左布政使

錢昭字魯麟鄆城人洪武中知蒲圻縣周知世務勤恤  
民隱循行阡陌一介不取以廉能稱

謝叔賓洪武中知武昌縣性剛明果決馭吏嚴肅臨民

月景恩志

卷十二

慈愛以循吏稱

魏忠洪武末知當陽縣徙縣治創公宇興學政教行義  
有功于民

英顯直隸滁州人洪武間知平江縣事宅心正直處事  
有方歲旱禱雨輒應事聞 詔陞一級免部考

李瑾魏縣人洪武中知安鄉縣撫字有方勞來不倦流  
民復業者五百餘戶至今士民戴之

朱璣鳳陽人洪武初知鄆縣性嚴毅剛果留心民事立  
科條謹區畫暮年政教兼舉百度俱興卓有治蹟

楊守禮洪武初知江華縣性行良實蒞政勤敏開縣治  
修學校教民禮遜廉而有為士民懷之

曹之泊洪武中知江華縣仁厚公勤大興學校勸農

卓有聲譽

鄉縣愛民禮士修學建倉自

廢且特稱相吏

王恭字克恭晉寧人洪武中以蘇州守謫漢陽同知練

達世事體恤民隱老成特重郡稱循良去任之日行李

蕭然士民嘆慕

郭原洪武初知黔陽縣為人淳篤以廉介自持常俸外  
一無所有草昧之初公署城池皆其創造尤矧恤困窮

百姓戴之如父母

沈仁一名友仁濠州定遠人元季群雄四起仁舉義于

鄉後歸高皇帝從征有功歲乙巳授沔陽衛指揮同

知伐吳復守禦修築土建置官署兵燹之餘民恃以

安後累遷都督僉事

杜智字仲才蕪湖人儀幹魁梧性敏嗜學洪武二十一

年繇貢擢知隨州以不忿竣征例當謫戍建臣奏其治

狀詔乘傳復任後改知北平歷右都御史

陳彥回字士淵莆田人父立誠被誣論死家破彥回謫

戍鎮南與祖毋弊僅存往依定遠知縣黃積良稱黃繼

承幾閩中教諭嚴得正薦彥回以經為保三府學訓導

三老至京承顧問遷平江知縣多善政閏十二月高

皇帝崩給事中楊惟康薦彥回文學廉幹遷徽州知府

數月政教一新士民感悅會郭氏卒承重父老乞番彥

回疏得復陳姓靖難兵至江上糾義勇勤王文皇帝

即位械至京師死之葬其家

柴車浙江錢塘人洪武鄉貢授兵部武選主事遷員外

郎以清慎知名擢江西參議建文時傳言湘藩當有變

詔沿江擇良守車知蕪州三歲郡大治復召為職方郎

中宣德五年起陞侍郎益竭忠誠屢立戰功進尚書

陳友全椒人永樂初起騎卒從征胡功歷陞千戶正統  
 初通使順寧王脫歡附降再陞都指揮僉事十九年充  
 遊擊將軍捕虜寧夏功陞都督僉事十四年龍門口捕  
 虜功進同知充左叅將南征香爐山功陞右都督鎮守  
 湖廣天順元年捕苗賊五開銅鼓功召還封武平伯食  
 祿千石與世券二年出鎮番斬虜功多充總兵捕虜延  
 綏塞功封流侯加祿百石四年卒贈沔國公謚武僖子  
 龍嗣伯卒子綱嗣伯卒子勳嗣伯卒無子弟熹嗣伯卒  
 子大策嗣伯

梁福永樂中以都督充平蠻將軍身俊偉謀勇過人

落落有大志諸夷畏服峰壘不驚卒于辰軍民思之

錢敏舒城人永樂初任大理評事遷于廉聞知黃州府  
 首興學校勸課農桑修城池葺公宇文章政事諸郡首  
 稱

孫士良永樂初知應山縣政事明簡賦役均平未三年  
 增戶二千墾田五十餘頃經畫有方勞來不倦且興學  
 校正風俗文物丕變邑人立碑紀績焉

儀智高密人永樂中由教諭知高郵州歷守寶慶馬政  
 寬厚深得民心累擢左布政使簡易疑重得藩宣體會  
 都指揮龔忠入覲上問湖湘老儒忠以智對召為禮

部左侍郎遇事明辨不少附會適正旦日食呂震以為  
宜賀智執不可上從之

李琦真定元氏人洪武初舉經明行修授監察御史遷  
大理寺副丞樂中將征安南命琦先往諭以禍福陳氏  
來歸侵地使竣上其書橐以聞 成祖嘉之擢禮部侍  
郎後占城與交人角復命往諭如初事平乃命為湖廣  
布政使

朱與言字一鶚江西萬安人由永樂辛卯進士任湖廣  
按察僉事廉明剛介黜姦貪郡縣望風解印綬去文章

政事著聲于時麗陵左副都御史獨守風紀聲稱凜然

李衡字秉均當塗人永樂甲申進士與楊相周悅等被  
選為庶吉士同時二 李九人 成祖親校課業除戶部

主事廉慎守已夏原 言每器重之薦擢湖廣參政方拜

命時遠繫赴獄事白 獲任割繁理劇持重不苟後擢兵

部右侍郎所著有滄 野集

蕭寬吉水人永樂甲 申進士選翰林院庶吉士累遷湖

廣左布政使寬宏有 量端簡不諱未嘗疾言遽色而處

大事則裕如也

周文宇宗武錢塘人 不樂甲申進士選翰林院庶吉士

累遷湖廣參議以風 流為首俸薪民發原施賑憂勞

月廣德志 臣賈十二



成疾卒于新

汪景明

字遠翁

參議有光

西左參議卒

俞士悅

字仕朝長洲人永樂乙未進士授監察御史歷

遷湖廣按察副使

肅紀綱貪墨望風解甲綬去民居

失火延及集署僚屬

多奔避士悅具衣冠再拜返風滅

火歲大旱禱雨即應

遷浙江參政入為大理卿正統己

巳之變以副都御史

留守尋陞刑部尚書加太子太保

蹇賢重慶人永樂中

繇鄉舉授監察御史激揚有聲遷

湖廣右布政使

廉簡與忠定公義並稱于時

李旭朝縣人永樂中

由國子生授監察御史以才能見

推超陞湖廣左布政使

有惠政

鄒昱華陽人父興仕

明玉珍為平章昱永樂中繇國子

生授漢中府同知

遷湖廣右布政使有治聲

周泰享字文通彭澤人

永樂乙未進士授監察御史巡

按直隸及湖廣克貞

憲度群僚畏憚後擢湖廣按察使

事

徐述字信古建德人

永樂中由穩勲主事擢守漢陽首

新學校勸課農桑

創建譙樓修葺壇壝政教大行時值

朝廷採大木設法完

解民若弗與其役者歲數民艱在

租諭關市得鈔數十萬代民輸足民以不困郡有虎傷  
人為文禱神虎就捕其害遂息人咸以神明太守譽之  
及去民思之如失父母古之循良知不多踰

王恪字孟誠湖口人永樂甲申進士授監察御史擢湖  
廣按察僉事不振憲綱權豪斂迹詩四川參議

侯爵藁城人永樂甲辰進士歷陞湖廣按察副使振肅  
風紀吏民畏服卒于官

應履平浙江奉化人永樂間自吏部郎中出知常德府  
郡舊賦麥為稅履平奏易以稻民其便之加意學校作

新士類文教勅興超蓬雲南右布政使

洪鈞浙江新城人永樂丁酉鄉舉初為新喻令遷銅仁  
轉知長沙府政通人和有甘露凝于郡齋林木士人賦  
詩以彰厥瑞

劉燾永樂中知長沙府性愷悌不施鞭朴有不善者第  
勸諭之人咸悅服秩滿去百姓無不感泣者

王進永樂初武昌府學訓導講明體適用之學尤嚴義  
利之辨士之出其門者多立名節預修四書性理大全  
陞翰林五經博士再陞侍講

李蕃山東魚臺縣人由監生永樂十年任德安府同知  
律身廉潔九年秩滿民復保留陞秩復任九年民深德

之  
夏子謙浙江人出大理評事改德安府推官永樂二十年任能推情求法獄無滯囚人咸稱之非義之餽一毫不受

饒政望江人登永樂陳循榜進士奉勅運江西糧儲竣事以賢勞擬授僉事因自陳願授教職歷壽張羅山教諭正統五年陞德安教授為人莊重謹飭不妄言笑不事浮靡教有成規雖祁寒甚暑不輟後以老歸群士號哭不忍別造就人材登甲榜如張贊輩六七十人其在壽

張羅山若徐廷璋楊贊何也司虎陳麟陳壽皆出此  
謂其辭尊居卑律已成物當在古人中求之

不幹直隸鳳陽府人永樂初為應城縣令律已公正政勤而廉民懷吏戢秩滿父老保留陞隨州知州

陳莘廣西橫州人永樂初知隨州咨訪利病求善言期于必行循行阡陌或微服與野老談使盡言故政咸出于誠闢田野四百餘頃民受其利修學作士始終不倦隨稱賢守必先焉

孫士良永樂初知應山縣事居官未三考人戶至增三千餘口開墾荒田五十餘頃政事簡惠賦役以均民到于今稱之

袁孟正豐城人永樂初由人林知襄陽縣蒞政有方善  
於撫字革奸弊均賦役是時值營造徑役之煩民賴以  
寧九載考績致仕至今民懷其惠

吳禮中永樂中知均州多善政改工部員外郎督太和  
諸宮事政令嚴明軍民仰慕

從貞繁昌人安陸衛指揮同知居官清儉出入惟一家  
僮前導蕭然若寒士管領漕運尤愛惜士卒州為之謠  
雖三尺童子能誦其美

伏伯安歸德州人永樂間由工部侍郎左遷知荆門州  
嚴教聿興吏民畏服後陞荊州府知府

傅履 湖口縣人永樂十五年知寶慶府

周冕 湖口縣人永樂十五年知寶慶府 病  
凡有司請置木牌畫兵禁于上令持至鄉無搔擾之患  
民無劫案居安鄉數載善政實多

劉欽 永樂間道州知州百廢俱興撫字有方逋逃者相  
率復業民立廟祀之

樂汝剛 永樂初知江華縣撫字有方復流民七百餘戶  
德之

李吉水 永樂初知新化以廉能稱守已敬神教民

但桑麻樓桐等物民獲其利權知寶慶府至今有本  
二所歲其遺愛久焉

徐彞永樂中武岡州判官時洞苗寇亂彞率民兵力戰  
而死士民為之哀悼

許譽臨清人由進士永樂二十年知寶慶府守已公廉  
決獄明敏州縣肅然

白素真定人永樂中以守城有功生員授知武岡蒞事  
以厚風俗興禮讓省刑罰為務未幾教化大行峒苗信  
服九年耆老赴京保留復任闔郡至今有遺思焉

永安福永樂中知衡州府宅心正大禱雨輒應時有  
思誓於城隍虎自死民思遂息

胡湜蕪湖人永樂中知鄆縣然公特已乎賦均徭民被  
其澤陞廣東按察僉事

史中德化人通判德安府公差廣西經衡州登石鼓書  
院嘆廟宇傾頽題詩于柱後陞本府知府踵其言重建  
守法恤民不畏強禦時有中貴人贖貨滿載中執以聞  
特命戮之在任九年吏民懷德

胡暹永樂中知常寧愛民守已遺惠在人尋陞江寧和  
易近民裁決類利時稱知體

楊越江西泰和人永樂初知臨武縣凡政務不便于民

者即上言罷之且公竊自持吏民畏服縣治肅然  
何宗浙江人永樂中任鄞縣典史知縣胡湜知其賢勵  
之問學宗勤政之暇奮志讀書中湖廣鄉試第二明年  
登進士授廣東海豐縣知縣士論高之

顏敬守永樂中善化教諭以學行著聞狷介自守不以  
顯晦移易者修五經四書性理大全出其門者多稱善  
士

盛璞字玉夫宣城人永樂丁亥繇國子生同知寧波入  
為南京戶部郎中出知黃州府不携妻帑惟匹馬一僕  
警敏有才則夫無滯勢豪歎避

彭伯濟河縣人永樂間任寧鄉縣教諭每日雞鳴升堂  
執經問難者無虛時身無完衣束脩皆不納弟子中有  
秋為製衣以易其敝者必求其人還之

綦禎綦江人永樂中知大治以寬蒞民恤貧下士造糧  
船清吏役修學校秩滿士民奏保復留數年至今傳頌  
其德

王靜字永靜繁縣人繇貢授監察御史時肇建北京營  
運木植靜督山陝河朔凡五年不遑寧處成祖命齋  
金符往西域直抵雪山窮崑崙至弱水所圖山川險易  
藏之秘書永樂辛卯巡視湖廣未幾擢知漢陽府蓋整

湖廣通志卷之四十三  
四十三  
貸通賑之清獄又刊文公小學及陳定宇通畧以惠初學

汪善字存初歙人永樂丙戌進士授吏科給事中出知夷陵州未幾擢同知永州府勤於撫字力本勸農商文毅公表其墓

鄒良字子都樂安人永樂乙未進士初歷松溪邵武令擢知衡州府在郡臨民慈惠無何即掛冠歸所著有存養齋稿

薛理歷城人永樂間進士初授戶科給事中出知衡州府治俸以給士之貧者在郡數年乞歸行橐蕭然上以

其德

聖永隆永樂中郴州知州為政公勤尤作興學校考課生徒由是科目駸盛

吳志盛茂名縣人永樂間知其寧縣勸興學校勉勵後進科貢得人永樂丁酉歲境內虎為害率屬牒告城隍其害頓息民賴以安

童輔字良臣永樂四年任郴州府知府兼事民年首變等奏設師壁宣撫等七十一條蒙隨相攻害施地大震時指揮使不即以聞輔諭民陳發黃本疏于朝正統十三年上命選授符人童輔副使邢端至施輔為警

湖廣通志

四十三

宣統十二年

其首數十人追還官印悉還就糧差邊境賴以寧在任  
四十六年檢身以法示人以禮恩威並行武弁推重  
于賢達州人永樂中以監祭御史左遷知大冶識見明  
爽蒞事果斷期年而政平訟理四野清寧百姓思之立  
遺愛碑

吳俊安岳人永樂中知蒲圻縣公平豈第下民安之子  
貧不能歸因家焉

林和生永樂間由陰陽官薦知蒲圻事厲已公廉臨民  
慈愛去之日行李蕭然百姓渡道涕泗慘不忍別

張鼎新永樂中知沅陵為政寬猛適宜無干疲瘡勸課

農桑深得民心九載考績邑人保留進秩復知縣事在  
任三十三年卒于官百姓哀之如喪考妣

楊謹行永樂初知岳州府愛惠小民作興士類不尚威  
嚴而風教自行文章政事當時推重

邵棠浙江新城人永樂中知華容縣尚廉潔勤政務均  
賦役深得民心秩滿闔縣懇請于朝俾復原任流風善  
政于今未殄

陳介銅梁人知臨湘縣興學勸農政績卓異在任六載  
歲屢凶荒上疏乞寬租所司不可介不為屈章數上  
詔蠲之民得聊生縣有舟丁六百戍江淮役重多遁亡



乃奏免一有善政及人率多類此後歷陞都御史

周應規銅梁人永樂中知華容廉介守已仁惠恤民振

作士風剷除吏弊時營造方殷區畫科條民不告擾後

董役武當山偶以疾卒民哭之哀

張瓚永樂中知華容初縣稅十萬石瓚至奏免四萬何

宏繼奏免萬伍千陳忠獻偕主簿李整復奏免一萬餘

建議奏免自瓚始

遠志遂平人永樂中以刑部員外郎調同知永州府事

明習政典決事如流勢豪斂避

賓禮慶德州人永樂中任永州府推官公平寬大訟者

至庭下以禮義諭之使自悔悟人多感化獄無繫囚足

稱循良

邢瑞井陘人永樂庚子鄉舉授監察御史擢湖廣副使

撫輯苗夷甚有恩紀秩滿父老懇留復任卒于官士民

哀之

刁鵬祥符人永樂中知荊州府賦性耿介立志清苦蒞

任九年門無私謁囊無贏帛凡所設施調度自有條理

且勞來安集政教大行軍民稱頌

楊季安字懷忠安福人永樂中知景陵縣時沔水泛溢

城邑俱壞安大修堤防捍之民免胥溺至今賴焉

滕霄字元皋汝州人任禮部司務陞員外郎永樂中出知黃州府廉能謹慎吏畏民安政績顯著

王佐南陽人以人材舉永樂八年任孝感縣簿立心慈祥教政明達卓有聲譽超拜監察御史

周魯黃縣人永樂中知應城縣忠厚真實蒞政剛果不事煩苛民咸信服

林靖廣東人知衡陽縣賦性剛毅蒞事勤敏新縣治興學校一時建立勞績是多

凡有新喻人永樂中知祁陽縣存心愛民苟有可興一善無不為在任九年公私無過賜救旌之

周子才宜渚人永樂中知零陵縣性謹勅廉敏有治才除害抑奸不畏強禦任九載賦役均平公私不擾

賴禮南康人永樂中知沅州廉介有守剛直不阿蒞任數年勞心撫字政績甚多

賈諒嶧縣人永樂中繇鄉舉擢刑科給事中宣德四年七月丙寅諒同給事中張居傑等劾奏戶部郎中蕭翔

酌酒廢職名震臺端宣宗諭夏原吉曰朝廷置給事中所以出納命令封駁章奏凡朝政闕失民情休戚皆

得言之祖宗時慎重用人其有敷奏詳明蒞事勤敏智識優長者不次用之久之擢諒為右副都

御史巡視湖廣鋤強梗屏衰寇振彞綱存大體楚之有  
重臣以保釐茲土自詠始

潘文奎字景昭永嘉人宣德初由左春坊司直郎出同  
知漢陽府事清慎寬厚有豈弟之德其文章詞翰為當  
時所重同修國史七秉文衡陞福建布政司參議

蕭暄字仰善恭和人宣德丁未進士累官湖廣左布政  
使時宣宗親製百官箴其布政使箴有曰國有方岳  
統治列郡克舉其綱紀斯不紊舜命牧伯農時為先柔

遠能通惇德允元咨爾藩臣往欽汝職惟誠無致克然  
女貴承流宣化夙夜念哉謹其操持端其表儀郡邑

朱永

以其廉察公其去取維予夙夜求民之瘼

冉應

氏之度生息有養禮讓有興爾政之成式

招略

符匪懈沉靜有守出公帑以輸征苗儲鳩

本所

經理微密楚人賴之

吳存

進賢人宣德庚戌進士歷陞湖廣提學僉

政往

不避艱勞以正本博行焉先士民畏愛後

章善

不棄甲申進士授監祭御史宣德中擢湖

清直

可孟祖曹宗陳詩後先為按察使宣宗

周顯

宗家養民滿族是寄必有憲臣紀綱攸繫

宣宗

宣宗

下上言然

船提舉

王景純初

廣右參政時

參議陞辭

甚重所以承

不宣下情不

美惡無所見

所學常懷

也尚宜

蜀山中篤法教

民奏留之擢武

能歸民李氏贈

張宏徐州碭川

已清廉庭無留

忍去或謂其羔

范理字道濟天

何以得真才為

歸省還授江陵

從役勸樹蓄恤

有以名者使必長有貳有本比而藩垣下

廷明無惑不反御交戰恭云靈華器用植

左以教行下以刑廢教豈曰今茲置古之

必吉需躬表之立經景靡弗從毋怠于職

權之備毋勢之恃剛如柔或私滅公惟

之凶明明上天臨下有赫徃敬爾職以懋

命不苟揚文真誌其父墓稱銓廉正公慎

潤人未樂年鄉貢繼周應規知華容縣

亦不私時以營建比京宮殿率民採大木

全活甚眾在縣十二年以滿去

仍掌縣事又十年致仕貧不

中知荊州府持

而不敢私百姓懷恩而不

節無媿古人云

宣德庚戌進士召試齋宮以用人

第二賜白金五兩褚幣五十緡

負租十四萬石理為處分平

公稱曰世有為縣


宣德十一年

宣德十一年

七月得民心如理者乎薦知德安府每歲按屬邑以稽  
 有司每月試諸生以拔髦又政聲大播時宣帝御製  
 各府箴曰列郡有守民之司牧有佐有幕協叅教育邦  
 國之本寔維斯民教之育之一主于仁千里之地膺受  
 明命安危休戚一繫厥政耕桑之業毋奪其時督之勸  
 之民罔寒饑學校之政必修必飭無怠無荒善教斯植  
 止其範防去其蝨賊所惡勿施所欲與聚循典祇祀以  
 爲民福禮賢尚德以勵民俗循理奉法爲下表儀庶公  
 與民政乃弗疵豈弟君子民之父毋慎哉敬哉用永終  
 工部侍郎楊文懿公銘其墓曰太公國齊簡禮從俗  
 爲江陵報政何速去不能馳稚耄遮阻執祛號啼如子  
 失毋黃霸守郡治莫與夷公自今長入副尚書才匪偏  
 長所在有績於赫厥聲不損彌益

朱祐字逢吉邵武人永樂間繇國子生授兵部主事宣  
 德中擢知漢陽府舊無廩庾軍民渡江輸于武昌祐奏  
 請立倉府城甚便從之

李應庚應天府溧水縣人宣德中知永州府政尚寬平  
 不事奢靡所居官舍僅蔽風雨辯疑獄清稅賦奏革黑  
 石湘口太橋三關通商旅歷官三考冰蘖如一日



孫浩宣德初知辰州府廉潔簡重臨政不苟恒以郵貧  
爲心其妻偶食梨問其所自曰出馬戶饋浩變色曰汝  
於微物尚私受况其厚者乎即遣其妻還家居五載卒  
于任闔郡士民哭之甚哀

薛瑄字德溫河津人年十二能詩賦既壯讀周程張朱  
諸書遂焚所作詩賦專心性理之學至忘寢食永樂十  
九年進士宣德間爲御史監湖南銀場平錄性理大全  
晨夜玩讀潛思有得秉燭疾書爲政黜舍墨正風俗往  
來辰沅文之暇則進諸生講學不倦歷官至禮部侍郎  
兼翰林學士入內閣會欲遣使徵朝鮮瑄持不可不

聽又曹石專用事遂引疾致仕去四方從學者日衆  
學貴踐履不務論說辭受取與必揆諸義出處大節尤  
明峻潔于富貴利達泊如也晚年造詣高明踐履篤實  
益至純熟著讀書錄二十卷常曰自朱子后性理已明  
不必復著書程明道許魯齋未常著作而言道統者必  
歸焉天順八年卒年七十三謚文清劉文安公請從祀  
孔廟 國朝倡明理學從祀孔廟自瑄始

吳傑高安人宣德中以御史左遷知臨武縣公廉果斷  
獨持風裁人不敢干以私吏民懷德畏威是稱循良  
張泰河南臨潁人宣德初知宣城存心慈惠立政廉肅

幸奸弊舉廢陸其規制條畫多存於今

孫收字麗中山陽人宣德間以江西僉事左遷漢陽同

知賦性忠直博學能文為政公平廉慎雖當繁劇而裁

處雍容務從寬惠吏不恣欺民恒思之

王儉安居人宣德中進士歷陞都御史巡撫湖廣廉明

簡靜赫有政聲

邵旻宣德中知武昌府性忠直為政公平居二年六事

咸舉百弊悉除歷官至工部右侍郎

宋綸信陽人宣德中知湘陰縣時有採木之役民苦之

綸區畫有方民不告勞而事克濟

黃象

黃象永嘉人宣德中知興寧縣臨民寬恕治事簡易任

十一年百姓戴之如父母去之日老稚咸感泣攀轅祖

送載道

傅翔眉州人宣德中沅陵縣簿持守清介勤於吏事門

無私謁秩滿去任民涕泣懇留當道亦雅重之正統間

擢知零陵剛方敏達持廉秉公始終如一

費彬眉州人宣德中知東安縣修築陂堰督勸農桑歷

有實政

何綸順德人知蘄州廉介剛毅一介不苟取加意倉儲

一時侵漁諸弊殲除殆盡善政在人至今傳誦

林繼顯字德統知新寧縣在任八年尚教化省刑罰均

徭賦秋毫無犯舉廢墜百度惟貞百姓思之立遺愛碑

稽郁宣德三年知桃源縣廉公律已平易近民革弊釐

奸寬徭薄賦遺惠在人咸可稱述

沈文宣德初知麻陽縣以德導民不以刑迫遇事迎刃

而解人情誠偽無不洞燭尤興起學校履禮布常燁然

聲譽至今不泯

呂棠濟寧人繇進士歷戶部員外即宣德中調知郴州

政聲丕著李震永平人知沔陽州黃昂知桂陽州陳

空繼之時宣宗御製各州箴曰環州千里置齊以

州亞于府建官次之有臨乎上有仰乎下凡爾所職

流宣化蚩蚩者氓休戚在爾心誠求之如保赤子無妨

其糶乃衣乃食無殫其力乃休乃逸興舉學政敬恭神

祇獄訟必平賦稅必時毋縱民厲毋侈貨黷惟仁惟清

如水如玉如繩之直如鑑之平豈第君子懋承令名一

時楚中祇承德意稱四守焉

林鍾華亭人有學行通詩書春秋三經宣德中任崑山

訓導入侍經筵應制有詩權為慈利知縣蒞政廉明遠

夷向慕作喪禮榜諭民有裨風化所著有松谷集歷官



山東恭政

張寵礪山人宣德初知荊州府事持已廉慎決事明嚴

禁強暴植良善造就譽髦敦禮者舊政通民和台流風

美



湖廣總志卷第六十七終

